



安徽通志

ル 5  
1575  
47





1875  
48

重修安徽通志卷一百三十七

職官志

名宦

三代以來兩漢吏治近古班范循吏傳所載桐鄉潁川廬江皆  
今安徽地朱邑黃霸王景流風未沫至今猶樂道之自是厥後  
官斯土者代有循良我

聖朝釐工熙績大法小廉安徽文武各官治行多有可紀舊志起自  
周漢迄道光之初詳為著錄間有所遺今增補之道光以後則  
謹遵

國史并采官書私集審慎纂輯意在徵信其統兵大員從征將吏  
或治皖軍而非安徽職官或雖皖官而未任民社其人皆有功  
於安徽其事應流傳於方志爰創為附傳以存遺愛亦與武備

重修安徽通志

卷一百三十七

職官志

名宦

一

統

部



志中兵事可互證焉述職官志名宦傳

統部

周孫叔敖相楚莊王嘗起芍陂徑百里灌田萬頃後漢書王景傳章懷注云芍陂在壽州安豐縣東按唐

安豐縣在今壽州詳水利

漢魏相字弱翁定陶人昭帝時遷揚州刺史考按守相多所貶

退丙吉與書曰朝廷知弱翁治行方大用願慎事自重藏器於

身相善其言為壽威嚴居部二歲徵為諫大夫漢書本傳

黃霸字次公陽夏人宣帝時為揚州刺史三歲以賢良高第詔

為潁川太守力行教化而後誅罰前後八年郡中愈治鳳皇神

爵數集天子下詔褒之賜車蓋特高一丈別駕主簿車緹油屏

泥於軾前以彰有德漢書本傳

何武字君公鄆縣人宣帝時為揚州刺史二千石有罪應時舉

奏其餘賢與不肖敬之如一是以郡國各重其守相州中清平

行部必先至學宮見諸生試其誦論問以得失然後入傳舍出

記問墾田頃畝五穀美惡已迺見二千石以為常漢書本傳

鮑永字君長屯留人光武初為揚州牧時南土尚多寇暴永以

吏人傷痍之後緩其銜轡示誅彊橫而鎮撫其餘百姓安之後漢書本傳

書本傳

歐陽歙字正思千乘人建武中為揚州牧推用賢俊教授數百

人嘗下獄諸生守闕求哀者千餘人至有上書求代死者後漢書本傳

傳

張禹字伯達襄國人建初中拜揚州刺史歷行郡邑深幽必到

親錄囚徒多所明舉民懷喜悅後漢書本傳

滕撫字叔輔北海劇人順帝末盜賊羣起范容周生等據歷陽



徐鳳馬勉等築營於當塗遣別帥黃虎攻沒合肥朝廷拜撫九  
江都尉擊破之斬容生勉鳳等又乘勝斬歷陽賊華孟東南悉  
平後漢書本傳

馮緄字鴻卿巴郡宕渠人少學春秋司馬兵法順帝時持節督  
揚州諸郡軍事與中郎將滕撫討破羣賊後漢書本傳

楊秉字叔節華陰人太尉震中子為徐州刺史計日受俸以廉  
潔稱後漢書楊震傳

百里嵩字景山封邱人為徐州刺史境內旱嵩行部所至甘雨  
隨注後漢紀

嚴遵揚州刺史行部聞道旁女子哭聲不哀繫問果以淫殺夫  
者按正其罪後漢紀

魏呂虔字子恪任城人文帝時為徐州刺史辟王祥為別駕民

事一以委之世多其能任賢討利城叛賊斬獲有功三國志本傳

滿寵字伯甯昌邑人袁紹盛於河朔汝南紹之本郡門生賓客  
布在諸縣太祖憂之以寵為汝南太守寵募其服從者誘其未

降渠帥殺十餘人一時皆平得戶二萬兵二千人令就田業明  
帝太和三年以前將軍都督揚州諸軍事汝南兵民戀慕相率

奔隨不可禁止景初二年遷為太尉寵不治產業家無餘財典  
兵在外專心憂公有行父祭遵之風焉三國志本傳增修

孫禮字叔達容城人為揚州刺史吳大將全琮帥數萬眾來侵  
禮勒兵禦之芍陂手秉桴鼓奮不顧身敵眾乃退詔書慰勞賜

絹七百匹禮為死事者設祀以絹付亡者家三國志本傳

王凌字彥雲祁人為揚豫州刺史得軍民之歡正始初都督揚  
州諸軍事吳大將全琮數萬眾寇芍陂凌率諸軍力戰敵退封



南鄉侯三國志本傳

晉王渾字元冲太原人武帝初為徐州刺史時年荒歲饑渾開倉振贍百姓賴之遷都督揚州諸軍事鎮壽春陳兵東疆視其地形險易察攻取之勢及大舉伐吳渾率師出橫江以成西軍之功進爵為公復鎮壽陽時吳人新附頗懷畏懼渾撫循羈旅虛懷綏納江東之士莫不附悅晉書本傳

郗鑒字道徽金鄉人明帝時拜兗州刺史都督揚州諸軍鎮合肥遷都督徐兗青三州事蘇峻反進都督揚州八郡軍事率眾渡江立大業曲阿凌亭三壘以拒賊及蘇逸走鑒遣參軍追斬之降男女萬餘口時賊帥劉微抄東南諸縣復率眾討平之晉書本傳

庾亮字元規鄱陵人都督豫州揚州之江西宣城諸軍事領宣

城內史鎮蕪湖將軍郭默據湓口反亮率步騎二萬會太尉陶侃討破之晉書本傳

蔡謨字道明考城人拜征北將軍都督徐兗青三州揚州之晉陵豫州之沛郡諸軍事聞李龍於青州造船掠緣海諸縣所在殺戮謨遣龍驤將軍徐元等守中州並設募得賊船者賞時謨所統七千餘人所戍東至土山西至江乘鎮守八所城壘凡十一處烽火樓望三十餘處隨宜防備甚有算略晉書本傳

謝元字幼度陽夏人太傅安兒子孝武時苻堅疆盛邊境數被侵寇朝廷求良將可鎮禦北方者安以元應舉詔拜兗州刺史監江北諸軍事進擊破之加領徐州刺史及堅自率兵次於項城眾號百萬元為前鋒都督以精銳八千戰肥水南堅眾奔潰晉書本傳



宋王懿字仲德祁人三臨徐州威德甚著南史本傳

劉義欣彭城人長沙景王道憐子元嘉中監豫司雍并四州諸軍豫州刺史鎮壽陽於時土荒民散城郭頽敗盜賊公行義欣綱維補葺隨宜經理劫盜所經立討誅之境內畏服道不拾遺城府庫藏並皆完實遂為盛藩治芍陂引淝水旱患由是得除

宋書長沙王道憐傳

檀道濟金鄉人監南徐兗之江北淮南諸郡軍事鎮北將軍南兗州刺史景平元年魏圍東陽城道濟與王仲德救東陽未至魏遁走還鎮廣陵又增督青州徐州之淮陽下邳琅邪東莞諸軍事討謝晦晦不戰自潰宋書本傳

沈慶之字宏先武康人世祖踐阼以慶之督南兗豫徐兗四州諸軍事鎮軍將軍南兗州刺史鎮盱眙還鎮廣陵孝建元年魯

爽反遣慶之濟江討爽大明三年竟陵王誕反復以慶之討之每攻城輒身先士卒宋書本傳增修

宗慤字元幹涅陽人孝建中累遷豫州刺史監五州諸軍事大明三年竟陵王誕據廣陵反慤表求赴討事平入為左衛將軍宋書本傳

梁蕭景字子昭高祖從父弟天監十七年以安右將軍監揚州稱明斷符教嚴整有田舍老姥嘗訴得符還縣吏未即發姥語曰蕭監州符火爇汝手何敢留之其為人所畏敬如此梁書本傳

韋叡字懷文杜陵人天監二年為豫州刺史領歷陽太守三年魏遣眾來寇擊走之四年王師北伐詔叡都督眾軍合肥既平全軍而還五年魏元英圍刺史昌義之於鍾離遣曹景宗拒之詔叡會焉叡自合肥逕道旬日而至梁郡太守馮道根廬江太



守裴邃等皆身自搏戰魏人大潰梁書本傳增修

馮道根字巨卿鄴人天監八年假節督豫州諸軍事領汝陰太

守為政清簡境內安定十六年復督豫州豫部重得道根人皆

喜悅高祖每稱曰道根所至能使朝廷不復憶有一州梁書本傳

裴邃字淵明聞喜人天監初為廬江太守普通二年遷豫州刺

史鎮合肥四年督征討諸軍攻狄邱贊城黎漿等城皆拔之屠

安成馬頭沙陵等戍是冬修芍陂明年復破魏新蔡郡略地至

鄭城汝潁之閒魏守將閉門自固不敢復出其年五月卒於軍

邃沈深有思略為政寬明能得士心居身方正有威重將吏憚

之及卒淮肥閒莫不流涕以為邃不死洛陽不足拔也梁書本傳增修

陳蕭濟字孝康蘭陵人太建中遷仁威將軍揚州長史高宗嘗

敕取揚州曹事躬自省覽見濟條理詳悉文無滯害顧左右曰

我本期蕭長史長於經傳不圖精練煩劇乃至於此陳書本傳

北魏王肅字恭懿臨沂人孝文時都督豫州刺史甚有聲稱裴

叔業以壽春內附拜肅都督江西尋為散騎常侍都督淮南諸

軍事揚州刺史肅頻在邊悉心撫接遠近歸附清身好施簡絕

聲色始終儉約家無餘財魏書本傳增修

北齊蘇瓊字珍之武強人初任清河太守推察公平遷左丞行

徐州事舊制以淮禁不聽商販輒渡淮南歲儉啟聽淮北取糴

後淮北饑復請通糴遂得商估往還彼此兼濟水陸之利通於

河北北齊書本傳

盧潛涿人揚州刺史在淮南十三年大樹風績甚為陳人所憚

陳主與邊將書云盧潛猶在壽陽卿宜深備之天統武平中徵



稅煩襍百姓騷擾潛隨事撫慰兼行權略故得甯靖武平三年

北齊書本傳

徵為五兵尚書揚州吏民流涕送之

徐遠字彥遐石門人累遷東楚州刺史為治慕寬和有恩惠邑

北齊書本傳

郭大火躬自赴救對之流涕仍為經營皆得安立

唐狄仁傑字懷英太原人拜冬官侍郎持節江南巡撫使吳楚

俗多淫祀仁傑一切禁止凡毀千七百房止畱夏禹吳太伯季

唐書本傳

札伍員四祠而已

韋虛心萬年人景龍中為揚州大都督長史兼採訪使所在官

一統志舊唐書韋

吏振肅威令甚舉以廬江多盜遂縣舒城盜賊為衰

李栖筠趙人代宗時平盧行軍司馬許杲擅畱上元有窺江吳

意拜栖筠浙西都團練觀察使圖之栖筠張設武備遣辯士厚

齎金幣抵杲軍賞勞使士歆愛奪其謀杲懼悉眾渡淮掠楚泗

而潰又奏部豪姓多徙貫京兆河南規脫徭科請量產出賦以

唐書本傳

杜奸謀詔可

李光弼柳城人拜河南副元帥知淮南東西五道節度行營事

鎮泗州監軍使以兵少請保揚州光弼曰朝廷以安危寄我賊

唐書本傳

安知我眾寡若出不意當自潰遂疾驅至屯諸將憚服

劉晏字士安南華人領東都河南江淮轉運租庸鹽鐵常平使

凡漕事皆決於晏晏即鹽利雇傭分吏督之隨江汴河渭所宜

江南之運積揚州汴河之運積河陰河船之運積渭口渭船之

運入太倉歲轉粟百一十萬石無升斗溺者又分官吏主丹陽

湖禁引漑自是河漕不涸

唐書本傳增修食



杜亞字次公京兆人興元初拜淮南節度使至則治漕渠引湖陂築防庸入之渠中以通大舟夾隄高印田因得灌溉人皆悅

賴唐書本傳

杜佑字君卿萬年人建中中歷淮南節度使決雷陂以廣灌溉斥海濱棄地為田積米至五十萬斛列營三十區士馬整飭四

鄰畏之唐書本傳

崔衍字著深州安平人德宗時宣歙池觀察使舊貢金錫十八品皆倍直市他州民匱多逃去衍蠲革之居十年嗇用度府庫充物及卒不能蔽喪表諸朝賜賻帛三百段粟米稱之

唐書本傳增

張建封字本立南陽人貞元四年拜徐泗濠節度使十三年入朝會詔書蠲民逋賦帝問何如答曰殘逋積負決無可斂雖蠲

除之百姓尚無所益帝嘉可十六年卒治徐凡十年躬於所事

一軍大治唐書本傳增修

李鄴字建侯江都人徐州張建封卒兵亂迫建封子愔主軍務帝以鄴剛敢拜宣慰使鄴持節直入其軍大會士卒諭以禍福眾不敢動元和間拜淮南節度使王師討蔡以兵二萬分壁鄆境籍府庫畱一歲儲餘盡納於朝諸道由是悉索以獻繫鄴倡

之唐書本傳

李吉甫字宏憲栖筠子元和中以檢校兵部尚書同平章事出為淮南節度使奏蠲逋租數百萬築富人固本二塘溉田萬頃漕渠不能居水乃築隄蓄洩名曰平津堰江淮旱請以時救恤分遣賑貸六年前官召還

唐書李栖筠傳

盧坦字保衡洛陽人元和中拜宣歙池觀察使時江淮旱穀踊



貴或請抑其價坦曰所部地狹穀來他州若值賤穀不至矣不  
如任之既而商米至市估遂平唐書本傳

路應字從眾三原人德宗時刺廬州贊其城人不歲苦逢水旱  
喜賤出與人歲熟以其得收常有贏餘故所在人不病饑而官

府蓄積累遷宣歙池觀察使至則出倉粟下其估以廩饑人元  
和二年李錡反應發鄉兵救湖常二州以故錡不能拔韓愈路碑唐書路嗣恭傳增修

崔從字子義全節人敬宗時歷淮南節度副大使知節度事蠲  
除苛政及卒有封股以祭者唐書崔融傳

張延賞猗氏人為淮南節度使歲旱民他遷吏禁之延賞曰食  
者民恃以活拘此而斃不如適彼而生苟存吾人何限為乃具  
舟遣之敕吏為修室廬已逋責而歸者更增於舊唐書張嘉貞傳

穆贊字相明河內人宣歙池觀察使以錢四十萬緡假民賦故  
歲旱人不流捐唐書本傳崔衍傳

李珣字待價其先趙郡人客居淮陰宣宗時拜淮南節度使江  
淮早發倉賑民以軍羨儲穀半價與人卒於鎮淮南之人德之  
叩闕下願立碑刻其遺愛唐書本傳

王凝字成庶晉陽人由河南尹遷宣歙池觀察使王仙芝黨屠  
至舊志誤德凝遣牙將孟琢助池守賊益兵來攻實欲襲南陵

凝遣舟師扼青陽以綴賊賊不能進時江南環境為盜區凝以  
疆弩據采石張疑幟遣別將馬穎解和州圍明年賊大至都將

王涓自永陽赴敵死凝益儲蓄完繕以備賊至不能加會大星  
直寢庭墜術家言宜上疾不視事以厭勝凝曰宣為大府吾誓

與城相存亡勿復言賊去未幾卒唐書王翊傳增修

與城相存亡勿復言賊去未幾卒唐書王翊傳增修



南唐劉仁贍字守惠彭城人清淮軍節度使鎮壽州周世宗攻之百端自正月至四月不能下壽州故治壽春其後世宗以其難克遂徙城下蔡而復其軍曰忠正軍曰吾以旌仁贍之節也

五代史王彥章傳 陸游南唐書

盧絳字晉卿南昌人南唐後主時歷沿江諸營兵馬監押嘗遮敗吳越兵於海門及宋師深入授沿江都部署扼秦淮口拒之又出援丹陽大破吳越兵復授宣帥討平叛者

陸游南唐書

宋趙賀字餘慶封邱人爲江淮制置發運使軍將分部漕船舊由主吏受賕不平賀分爲三等視其功過自裁定吏巧不得施歲漕米溢常數一百七十萬

宋史本傳

喬惟岳字伯周南頓人雍熙中爲淮南轉運使先是建安北至淮澨總五堰運舟皆卸糧而過綱卒緣此爲姦潛有侵盜惟岳

命勑二斗門於西河第三堰相距踰五十步設懸門積水俟潮平乃洩之自是弊盡革而運舟往來無滯

宋史本傳

李溥河南人浣化閒制置江淮等路兼發運使高郵軍新開湖水散漫多風濤溥令漕舟東下者還過泗州載石輸湖中積爲長隄自是舟行無患

宋史本傳

王嗣宗汾州人至道中爲淮南轉運使揚楚閒有窄家神廟民有疾不服藥但致祀以邀福嗣宗撤其廟選名方刻石州門自是民風稍變初漕運經泗州浮橋舟多覆壞嗣宗徙置城隅遂獲安濟

宋史本傳

王宗望字礪叟固始人江淮發運使楚州沿淮至漣州風濤險惡議者謂開支氏渠引水入運河歲久不決宗望始成之爲公私利

宋史本傳



薛奎字宿藝絳州人江淮制置發運使疏漕河廢三堰以便餉

宋史本傳

張昱之字景山晉陵人真宗時提點淮南路刑獄楊崇勳知亳州恃恩不法誣蒙城知縣王申罪械送獄昱之廉得冤狀乃出

申配奸吏若干人宋史本傳

范仲淹字希文吳縣人嘗官廣德司理參軍日抱獄牘與守爭是非盛怒不為屈改集慶軍推官貧止一馬鬻之徒步而去仁

宗時歲大蝗旱命仲淹安撫江淮所至開倉振之且禁民淫祀

奏蠲廬舒折役茶江東丁口鹽錢條上救弊十餘事宋史本傳

言行錄

周湛字文淵穰人仁宗時為江淮制置發運使大江歷舒州長風沙其地最險謂之石牌灣湛鑿河十里以避之人以為利宋史

本傳

盧秉字仲甫德清人為淮東制置發運使上計神宗問曰聞滁和之民捕蝗充食有諸對曰有之民饑甚殍死相枕籍帝惻然

曰前此獨趙抃言之耳先是發運多獻餘羨以希恩寵秉言職

在董督財賦安得羨今稱羨者率正數也請自是罷獻宋史本傳

張燾字景元濮州人為江淮發運副使泗州水城且壞燾悉力

營護詔寵其勞宋史本傳

李先字淵宗臨穎人仁宗時為江東淮南轉運使壽春民陳氏

施僧田其後貧弱丐食僧所僧逐之取僧園中筍遂執以為盜

先詰其由奪田之半以還之宋史李兌傳

蔣之奇字穎叔宜興人為淮東轉運副使歲惡民流之奇募使

修水利以食流者如揚之天長三十六陂宿之臨渙橫斜三溝



尤其大也用工至百萬溉田九千頃活民八萬四千後擢江淮荆浙發運副使鑿龜山左肘至洪澤為新河以避淮險自是無覆溺之患凡所經度皆為故事宋史本傳

任諒字子諒汝陽人徽宗時為江淮發運使蔡京破東南轉般漕運法為直達綱應募者率游手亡賴盜用乾沒漫不可核人莫敢言諒入對首論之京怒會汴泗大水泗州城不沒者兩版諒親部率築隄徙民就高振以米粟人獲全京誣以漂溺千計

坐削籍歸宋史本傳

韓世忠字良臣延安人建炎四年以宣撫使駐鎮江金人入侵遂自鎮江駐大儀與金人戰連捷論者以為中興武功第一六年以宣撫處置使置司楚州披草萊立軍府與士卒同力役撫集流散通商惠工山陽遂為重鎮劉豫兵數入寇輒為所敗宋史

本傳張俊字伯英成紀人歷浙西江南淮西諸路制置招討宣撫使

屢立戰功與韓岳並為名將宋史本傳

葉夢得字少蘊吳人紹興初為江東安撫大使知建康兼壽春等六州宣撫使時建康兵不滿三千夢得奏移統制官等分守要害劉豫兵入寇擊敗之八年除安撫制置大使建康畱守奏

防江措畫八事金兵至柘皋夢得團結民兵分據江津金兵不得渡而去兼總四路漕計以給饋餉軍用不宋史本傳

李顯忠青澗人授淮南制置使隆興元年兼淮西招撫使自濠梁渡淮復靈璧入城宣布德意不戮一人中原歸附者踵接時邵宏淵圍虹縣未下顯忠開諭禍福金貴戚大周仁及蒲察徒

穆皆出降六月復宿州宋史本傳



真德秀字景希浦城人嘉定八年為江東轉運副使歲旱蝗大講荒政以便宜發廩粟使教授林庠振給竣事而還百姓送之郊外指道旁叢冢泣曰此皆往歲餓死者微公我輩相隨入此

矣宋史本傳

邱密字宗卿江陰軍人甯宗時為江淮宣撫使時克泗州進圖宿壽既而師潰密奏泗州孤立淮北所屯精兵幾二萬萬一金人南出清河口及犯天長等城則首尾中斷墮敵計矣莫若棄之還軍盱眙從之金人自渦口犯淮南或勸密棄廬和州為守江計密曰棄淮則與敵共長江之險矣吾當與淮南共存亡益增兵為防尋拜簽書樞密院督視江淮軍馬宋史本傳增修趙善湘字清臣濮懿王五世孫以李全犯淮東進渙文閣學士江淮制置使命討及戮全進兵部尚書以平閩寇功轉安撫制

置使復泰州淮安州鹽城淮陰四城及策應京湖功進端明殿學士復盱眙軍泗壽二州功進資政殿學士宋史本傳

李道傳字貫之并研人甯宗時提舉江東常平茶鹽公事按部劾吏之貪縱者十餘人胥吏之為民害者黜逐百餘人釋獄之濫繫者二百餘人弛負錢十餘萬緡夏旱應詔言楮幣鈔法切中時病條上荒政多從之與漕臣真德秀振饑道傳分池宣徽三州窮冬行風雪中雖深村窮谷必至全活甚眾攝宣州守行朱熹社倉法諸郡翕然應命人蒙其利宋史本傳增修

杜杲字子昕邵武人江淮制置使李玨羅致幕下滁州受兵檄杲提偏師往援民蔽野求入滁守固拒杲啟鑰納之登陴中矢益奮卒全其城辟監崇明鎮與總領議不合引去辟廬州節度推官浮光兵變杲單騎往誅其渠魁守將爭餉金帛悉封反之



安豐成將搖扇軍情杲呼諭之一軍帖然知六安縣部使者季  
衍覽所書牘擊節曰九州三十三縣令之最也知定遠縣李全  
犯邊以杲習邊事擢知濠州制置大使趙善湘謀復盱眙用其  
策成功知安豐軍元兵圍城大戰擢將作監朝議帥淮西無如  
杜杲者詔以安撫使兼廬州進大府卿淮西制置副使兼轉運  
使復與元兵戰累擢刑工二部尚書以直學士奉祠帝曰杜杲  
兩有奇功若脫兵權使有後禍朕何以使人乃起知太平州俄  
擢華文閣學士沿江制置使知建康府行宮畱守節制安慶和  
無為三郡杲罷楊林堡以其費備歷陽淮民寓沙上者護以師  
首謁程顥祠置貢士莊蠲民租二萬八千石復與元兵戰真州  
進敷文閣學士宋史本傳

唐璘字伯玉古田人理宗時為江東運判時邊事急置四察訪

使就詔璘分建康太平池州江西璘揭榜馬前咨所部以利害

檄當塗宿設戰具防采石撥和糶續生券奏捐總領所錢二十

萬緡助江防軍聲大振宋史本傳

陳瑄字子爽嘉興人江東轉運副使請蠲放諸郡災傷加戶部

侍郎淮東總領尋提領江淮茶鹽所兼知太平州發公帑代三

縣輸折絲帛錢五十萬九千三百六十餘貫作浮淮書堂以處

兩淮之士而教之宋史本傳增修

趙淮衡山人丞相葵從子歷官淮東轉運使德佑中成銀樹壩

兵敗被執烏珠使以招李庭芝降咱以大官淮伴諾至揚州城

下大呼曰庭芝男子死耳毋降也烏珠怒殺之宋史本傳

元董士選字舜卿真定人成宗時為江南行御史臺中丞廉威

素著不嚴而肅凜然有大臣風元史董文炳傳



高睿河西人江東提刑按察使部內草竊聲言圍宣城睿命密治兵衛司開城門聽民出入貿易自便寇以有備不敢進遂討平之元史高智耀傳

鄧文原字善之蘇州人由江南浙西道廉訪司移江東道先是徽甯廣德三郡歲入茶課鈔三千錠後增至十八萬竭山谷所藏不能充其半餘皆鑿空取民間轉運司官聽鄉里豪黠動以犯法誣民文原請罷專司俾郡縣領之徽民謝蘭家僮死蘭姪回賂誣蘭文原得其情釋蘭而坐回時久旱不雨獄決乃雨元史本傳

姚天福字君祥絳州人至元十六年授淮西道按察使將吏有豪猾為民害者悉剷除之民大悅二十六年復為淮西按察使按鉅姦一人政化大行元史本傳

福壽唐兀氏至正末為淮南行省平章政事是時濠泗陷師久無功福壽至督戰甚急而上游賊勢甚洶涌乃議築石頭斷江面守禦有方眾恃以為固元史本傳

明王彬字文質東平州人巡按江淮駐揚州靖難兵至守將王禮謀舉城降彬執之練兵修守具晝夜不懈禮弟崇賂千戶徐政乘彬解甲浴粹縛之開門納燕師彬不屈死明史陳性善傳

曹宏宣德閒巡撫淮南山東時歲凶民饑宏均徭儲粟俵牛種簡孳牧殺婚禮民德其施江南舊志

賈諒字子信嶧縣人右副都御史正統二年江北大水命諒及工部侍郎鄭辰往賑之全活甚眾明史顧佐傳

薛希連麗水人正統八年奉命清理鳳陽等處軍民田地摘發奸伏無敢欺隱所造文冊後人遵以為式江南舊志



耿九疇字禹範盧氏人正統初兩淮鹽政久壞由給事中擢鹽運同知痛革夙弊條奏便宜五事著為令母喪去官場民數千人詣闕乞畱起都轉運使廉聲益振婦孺皆知其名以事被逮得釋升刑部侍郎鳳陽歲凶盜且起敕往巡視招撫奏英武飛熊諸衛軍耕守招來流民七萬戶境內以安景泰元年仍命出理鹽法兼撫江北諸府敕錄重囚多所平反明史本傳  
孫鼎字宜鉞廬陵人以御史督學南畿課藝之外更訓飭士子當以躬行為本一時感其德化皆砥礪文行無敗檢者江南舊志  
王竑字公度河州人景泰時以右僉都御史總督漕運兼巡撫淮揚廬三府徐和二州時大水民饑道殣相望竑不待報開倉發賑家賦牛種復業者無算他境流移安輯者萬六百餘家病者給藥死者具構鬻子女則贖而歸之還籍者與道里費由是

人忘其饑頌聲大作明史本傳  
高明字上達貴溪人天順閒南京都御史南京久弛縱明振綱紀劾罷諸貪殘吏會淫雨極言宜修省以同災異揚州鹽寇起

明往來江南北督戰又授方略御史戴琥顧以山擒賊九百餘人鄭曉名臣記  
戴珊字廷珍浮梁人成化閒以御史視學南畿正身率教士皆愛慕之明史本傳

陳濂鄞縣人成化六年督理漕運立均徭之法軍民便之廣輿記  
李裕字資德豐城人成化中以副都御史總督漕運兼巡撫江北諸府淮鳳饑太僕徵預備馬二萬匹裕論罷之在任六載每歲入計事陳利病多見施行明史本傳

李綱字廷張長清人天順初以御史督學南畿頒冠婚祭射儀



於學宮令諸生以時肄之按部常止宿學宮夜巡兩廡察諸生誦讀除試牘糊名之陋曰己不自信何以信於人由是士多感化

明史本傳

王恕字宗貫三原人成化閒巡撫江南舊制應天鎮江太平甯國廣德官田徵半租民田全免其後民田率歸豪右而官田累貧民恕乃量減官田耗稍增之民田所部水災奏免秋糧六十餘萬石周行賑貸全活二百餘萬口中官王敬乘傳至東南大索奇玩所在驚懼恕疏極言敬苛暴久之敬等收捕下獄斬其黨中外稱快

明史本傳

馬文升字負圖鈞州人成化二十一年總督漕運兼江北巡撫淮鳳和滁饑移江南糧十萬石鹽價銀五萬兩賑之

明史本傳

婁謙成化閒以御史督學南畿名其堂曰畏天中官汪直新幸

銜謙不與通使偵伺其短竟莫能得

江南舊通志

彭韶字鳳儀莆田人成化閒巡撫江南簡靜持大體不尙苛細奏折兩京文武俸糧省轉輸費公私便之

廣輿記

李充嗣字士修內江人正德時巡撫應天甯王宸濠反充嗣謂尙書喬宇曰都城守禦屬於公畿輔則充嗣任之乃自將精兵萬人西屯采石遣使入安慶城中令指揮楊銳等堅守傳檄部內詭言京邊兵十萬旦夕至賊疑懼竟潰就進工部尙書

明史本傳

高友璣樂清人嘉靖初以右都御史總督漕運兼撫鳳陽諸府鹽徒多爲盜捕誅其渠魁郵傳冗費漕務宿弊多釐革焉

一統志

李遂字邦良豐城人嘉靖中倭擾江北廷議特設巡撫遂以僉都御史撫鳳陽四府時倭寇海門遂語諸將曰賊趨如臬必合合則道有三自泰揚徧天長鳳泗則陵寢震驚自黃橋徧瓜儀



則搖南都而梗漕若從富安沿海東至廟灣則絕地也部分諸將遏賊毋得逾天長瓜儀賊果趨廟灣遂調兵設伏待之諸寇殲焉以功遷兵部侍郎

明史本傳

海瑞字汝賢瓊山人穆宗初巡撫應天風采嚴峻所部凜然平賦役開水利行條鞭法遂為永利

明史本傳

王宗沐字新甫臨海人隆慶五年以右副都御史總督漕運兼巡撫鳳陽極陳運軍之苦請亟優恤又以河決無常運道終梗欲復海運條上便宜七事詔從之遂以六年三月運米十二萬石自淮入海五月抵天津敘功進秩徐邳俗獷悍多姦猾濱海鹽徒出沒六安霍山礦賊竊發宗沐奏設守府又召豪俠巨室三百餘人充義勇責令捕盜後多以功給冠帶遷南刑部侍郎卒贈尚書諡襄裕

明史本傳

周孔教字宗尼臨川人萬曆中巡撫江南時遣中使徵權行旅苦之戶部議漕折徑輸邊鎮孔教言其害皆免三十六年大水條上荒政二十三事又請改折漕米百五十萬并畱權稅及漁課諸色銀二十餘萬以賑疏入未報乃先發廩濟貸又括公帑羨金至荆襄市米方舟相接米價頓平

江南舊志

劉東星字子明泌水人萬曆二十六年河決單縣運道湮阻東星以工部侍郎兼右僉都御史總理河漕初河臣潘季馴議開黃河上流復元賈魯所浚故道朝廷以費鉅未果東星即其地開濬起曲里鋪至三仙臺抵小浮橋又濬漕渠自徐邳至宿州計五閱月工竣費僅十萬敘功進本部尚書復開泲河引淮南北運艘工已成十之三會以疾卒後李化龍循其遺法與李三才共成之漕永便焉

明史本傳



馮叔吉字汝迪萬曆初江上有警設副使道於池州叔吉莅任  
即立池陽荻港二營列巡艦於江上加築池州及東流銅陵二  
邑城守禦既嚴盜警遂息

江南舊志

李三才字道甫北通州人萬曆中以僉都御史總督漕運巡撫  
鳳陽諸府時礦稅使四出延引奸徒公行攘奪數窘辱長吏獨  
三才以氣凌之捕殺其爪牙肆惡者奸璫奪氣又誅翦徐毫大

盜趙古原李大榮等部內晏然

明史本傳

李維楨字本甯京山人萬曆中以兵備道駐壽州修廢舉墜綏  
靖地方大著勞績為時所稱

江南舊志

熊廷弼字飛百江夏人萬曆閒督學南畿嚴明有聲

明史本傳

倪元琪上虞進士天啟間知歙縣獨不建魏璫生祠崇禎時以  
御史督學南畿會奸人詣闕訐復社罪下所司案問元琪同兵

備道馮元颺申辨最力忤權貴意謫官

明史馮元颺傳 明史紀事本末 歙縣志

鄭崑貞字十師龍溪人崇禎時巡按應天楚帥左良玉擅離本  
鎮擁兵東下去蕪湖二十里遠近震恐崑貞移書諭以順逆良

玉得書立還又捐俸治黃山采石孔道行旅便之號鄭公隄

江南舊志

史可法字憲之大興人崇禎元年進士八年以右參議分守池  
州太平其秋改副使分巡安慶池州監江北諸軍黃梅賊掠宿  
松潛山太湖知安慶有備遜去可法追至天堂寨搜賊賊多死  
明年賊自鄖陽東下江北震動可法馳駐太湖當其衝十年正  
月賊突安慶走桐城可法與參將潘可大剿捕多斬獲已犯潛  
山復與左良玉敗之楓香驛三月賊合八營十餘萬眾分屯桐  
城之練塘石井鋪陶冲驛連營六十里可法備嚴不敢犯七月



擢右僉都御史巡撫安廬太池四府及河南湖廣江西九州縣  
提督軍務其冬賊復犯潛山為部將汪雲鳳所敗而監軍楊開  
遠善擊賊賊憚此二人稍稍避其鋒可法持身廉接士信雜處  
行伍閒與下同勞苦軍行士不飽不先食未授衣不先御以故  
得士死力十四年總督漕運劾罷督糧道三人增設漕儲道一  
人大濬南河盡祛諸蠹弊十六年拜南京兵部尚書奏行更新  
八事福王監國以大學士督師淮揚

大清兵逼揚州招諭可法不從城破被殺明史本傳  
明史稟本傳

國朝乾隆四十一年

賜諡忠正勝朝殉節  
諸臣錄

張國維字玉笥東陽人崇禎時巡撫應天安慶等十府流賊犯  
桐城潛山太湖越英山霍山復陷宿松犯懷甯圍望江陷和州

舍山定遠攻天長國維見賊勢日熾請於朝割安慶池州太平  
別設巡撫史可法任之安慶不隸江南巡撫自此始也國維寬  
惠得士大夫心屬郡災傷輒為請命寬減築太湖繁昌二城濬  
鎮江及江陰漕渠並有成績擢總理河道歲旱流涸國維濬諸  
水以通漕歷官右僉都御史魯王監國以大學士督師江上還  
守東陽赴水死舊志引廣輿記  
今據明史本傳修

國朝乾隆四十一年

賜諡忠愍勝朝殉節  
諸臣錄同治十二年江蘇請建專祠列入祀典張樹聲奏  
新増

祁彪佳字幼文山陰人崇禎時巡按南畿一日杖斃大猾七人  
所部稱快立易知由單以清賦弊捐俸置役田以蘇徭困人稱  
真御史後巡撫應天威望尤著一時分鎮大帥多敬憚之廣輿  
記  
黃配元字位兩樂安人崇禎閒由望江懷甯令累擢至安慶巡



撫顧天齧指誓不與流賊共戴天籌守禦甚備賊不敢逼皖城  
時論以朱儁皇甫嵩期之旋以憂去安慶府志

蔣若來字龍江江蘇長洲人以禦流寇功歷右都督府都督守  
安慶崇禎十五年張獻忠陷安慶若來奉旨帶罪立功秋借黃  
得功劉良佐大破賊於潛山復原官乙酉

大兵下金陵所在臣服若來竄走欲為航海計有副將劫使歸順  
若來乃召諸將痛飲曰諸公好為之勿相強也遂自殺於坐沈德

潛集  
新增

重修安徽通志卷一百三十八

職官志

名宦二

統部

國朝洪承疇字亨九同安人順治二年以內院大學士經略招撫

江南拊循氓庶有綏靖之功江南舊通志

李猶龍字紫函陝西人順治二年招撫安池等郡調度有方平

白雲大溪諸寨皖人德之為立祠一統志

趙福星奉天人順治二年以都御史巡撫鳳陽四郡戡亂鉏奸

整飭吏治申雪冤獄又加意振興文教修飭學宮功績茂著江南通志

通志

張文衡字巨烜奉天人順治三年徽甯兵備蒞治清嚴待士以



禮繩豪胥以法嘗自箴其前楹曰戒怒省刑故人畏而愛之遷

江南按察使江南舊志

馬國柱奉天人順治四年總督三省時江南入旗駐防兵與民

不相習國柱盡心撫輯令行禁止兵民相安江南舊志

劉漢祚奉天人順治五年任左布政使持正表率才諳足理煩

劇江南通志

李日芄字培原奉天人順治七年任安徽操江都御史時沿江

多盜日芄令五里置汛兵守之行旅晏然海寇犯京口遣將堵

剿斬獲甚眾刊定經賦全書創立書院來四方學者士民德之

一統志

李嵩陽字元佩封邱人順治七年以御史督學江南時士習靡

譎尚詞華棄義理嵩陽痛革之遵用傳注文體乃正一統志

秦世楨廣甯人順治八年巡按江南墨吏蠹胥誅逐不遺理囚

多所平反漕卒為橫索贈無藝疏請立五米五銀法著為令一統志

馬鳴佩奉天人順治十二年總督江南具幹濟才遇事精明果

斷獎廉懲貪靖山海巨寇釋善良之囚繫者江南舊志

蔡士英字伯彥奉天人順治十二年總督漕運疏陳漕政五事

漕弊九事又請定水次領兌之規及裁領運都司十四年致仕

十六年復起原職士英凡兩任督漕多所振刷釐革輓輸迄無

虧額江南舊志

李來泰字石臺撫州人順治十二年督學江南文學該贍所拔

皆孤寒知名士一統志

郎廷佐字一桂奉天人順治十三年由南贛巡撫升兩江總督



十六年海寇鄭成功入寇廷佐督厲將士調遣有方令崇鎮梁化鳳大破賊兵於得勝門外南土安堵

江南舊志

李森先字琳枝平度州人順治十三年巡按江南置姦胥之虐

民者十一人於法又舉孝子節婦以興民行民大悅

一統志

陳培禎奉天人順治中為江南左布政使以廉幹稱

一統志

麻勒吉滿洲人康熙十年總督兩江甫莅任值旱蝗做行古埋

蝗之法又捐俸買蝗遠近負戴而至量多寡受緝蝗漸絕歲不

告饑其為治提綱挈領務有所振起凡藩臬郡縣學校營衛驛

遞場局市井一切利弊宜罷行者及舟車往來人物之數各有

品章條貫芟繁核實不苛不濫士民掇其尤著者三十八條鑱

之於碑立祠祀之

江南舊志

阿席熙滿洲人康熙十三年總督兩江為政清靜畫一吏民安

之會逆藩煽變劫建營房修造戰艦悉如期集事南討大軍絡

繹過境席熙徵調俱億號令嚴明所部安堵及任滿還京行橐

蕭然人服其操

江南舊志

靳輔字紫垣襄平人由翰林學士巡撫安徽甫下車值歲饑穀

貴疏請改折並檄屬郡仿耿壽昌朱子遺法復社倉以備災患

逆藩之變皖駐重兵剿逆之帥經皖水陸絡繹輔轉輸糧餉造

戰艦設營舍皆適機宜任七年擢總河去皖民懷之專祠奉祀

並崇祀名宦

一統志

徐國相字行清奉天人康熙十六年巡撫安徽時皖屬多水旱

患國相下車即請賑卹又請漕米改折蠲除耗贈修學宮復書

院增置餘士田租復革除里排定徵收之法二十年疏請開墾

之田寬限升科二十三年遷湖廣總督皖人建祠祀之

舊食化員志



甯縣修徐公祠案新增

劉果諸城人康熙十八年督學江南謝絕私交釐正文體浮滑

委靡之習為之頓改江南通志

于成龍字北溟汾陽人康熙二十一年總督兩江貪墨吏望風

解綬豪猾皆潛徙他境杜苞苴滅火耗清營伍除蠹商創立虹

橋書院檄取高才之士講習其中親自訓誨自奉儉薄有寒素

所不能堪者以疾卒於官崇祀賢良祠諡清端一統志

楊素蘊陝西人康熙二十六年巡撫安徽嚴懲墨吏以儆官邪

又優恤士民威惠兼著江南通志

傅臘塔滿洲人康熙二十七年以刑部尚書總督兩江薦賢能

懲貪墨讞獄明慎摘發如神又疏請江南鄉試增廣解額三載

卒官諡清端崇祀賢良祠一統志

許汝霖海甯人康熙中督學江南手定甲乙釐定文體人咸服

其公鑑一統志

高承爵奉天人康熙三十二年巡撫安徽時盱泗等州縣河流

泛溢修築隄防三十九年再任捐俸賑饑皖人獲濟一統志

范承勳字蘇公奉天人總督兩江以鎮靜為治人懷其德江南通志

佟國佐奉天人巡撫安徽政尚寬平人吏浹和一統志

邵嗣堯山西人康熙三十三年以參議督江南學政峻節清風

屏絕竿牘雅不喜冗長繁縟之辭所取制藝以簡質為宗著有

四書講義傳示學者以勞卒於官士人立祠肖像祀之江南通志

張鵬翮字運青遂甯人康熙三十四年督學江南三十八年擢

兩江總督整理兵民籌策河務並著成效雍正十二年奉

旨崇祀賢良祠江南通志

重修安海通志

卷三十六

職官志

名宦

四

統部



張雲翼陝西人世襲侯爵康熙三十五年總制江南在任凡十四年訓諫兵弁有勇知方

聖祖仁皇帝南巡閱軍容整肅嘉獎賞賚江南通志

李鈞鐵嶺人康熙三十八年任安徽巡撫戢兵安民緩徵息訟立義學義倉又造江船以拯溺修馬橋以利涉遺愛甚多江南通志

張泰交字公孚陽城人康熙中督學江南刻苦勵操雖周親宿好莫敢干以私一統志

常名揚正白旗人康熙四十年安徽布政使以所屬濱江洲地多為豪右侵奪而貧弱者至有無洲之稅親履丈勘還所侵地江南通志

章秉法字程叔會稽人為江南掌印都司善治獄雖老奸宿豪以數言折其機牙莫不誦服屢被檄勘災監賑恩均弊絕江南通志

梁世勳延安人康熙五十年任安徽巡撫慈祥和易深恤民瘼其最著者皖城江磯險阻每遇風雨數十里無泊舟處勳捐金於城東五里外鑿新河四十里行旅便之一統志

郎廷極鑲黃旗人康熙五十一年為督漕都御史肅清漕政官吏兵丁皆便之江南通志

穆廷斌山海關人康熙五十三年提督松江持躬清慎訓練嚴明藿食布衣自甘淡泊而以餘俸惠濟部兵江南通志

余正健字乾行古田人康熙五十三年督學江南衡文根極理要訓士諄切按州郡廉從數人而已升奉天府尹江南通志

施世綸鑲黃旗漢軍康熙中由淮徐道擢安徽布政使總督漕運革羨金劾貪弁除蠹役號稱嚴明一統志

尹繼善字望山滿洲鑲黃旗人雍正六年以內閣侍讀學士協



辦南河事務八年由江蘇巡撫署兩江總督十一年遷雲貴廣西總督乾隆五年再任兩江總督十三年參贊四川軍營事二十一年復任二十九年晉大學士仍管兩江總督及河務事繼善公正端厚前後歷任二十年愛民養士整飭吏治不尚嚴厲而吏民畏懼不動聲色而大小悉就三十年

召還入閣尋卒於位諡文端祀賢良祠

一統志

高晉鑲黃旗漢軍由知縣歷任河道擢安徽巡撫尋授江南河道總督擢兩江總督統理總河事授大學士仍管總督總河事老成敦樸體用兼優歷任封疆三十年勤以奉職誠以任事整飭吏治盡力民瘼吏不敢欺而民咸愛之卒於任

詔賜優卹入祀賢良祠諡文端

一統志

覺羅石麟滿州正紅旗人雍正四年授江甯布政使奏言泗州

被水所動賑銀二萬兩皆親往散給悉心料理無絲毫假手胥吏內有被災三四分者雖不蠲免錢糧向有賑粥之例酌量減散又無田代耕窮民草房被水冲塌棲息無所亦照成災例散賑每日自辰至午恐饑民難於守候並捐買餅餌使食得

旨料理甚屬妥協後終內閣學士

舊通志

程元章河南上蔡人康熙六十年一甲進士雍正八年任安徽巡撫奏稱民間訐訟多以首告欺隱為詞於有業田戶藉端嚇詐紛紛擾累其有無欺隱田糧應請寬限半年自首升科又以鳳陽之靈璧縣被災七分府縣官匿不詳報奏劾革職九年疏報廬州府城內金斗河年久壅塞設法開濬民咸利之後升浙閩總督

舊通志

趙國麟山東泰安人康熙四十五年進士雍正十三年由福建



調安徽巡撫嘗疏言壽州新分鳳臺縣田賦混淆既無魚鱗冊底可稽未免豪彊兼併愚懦包賠之弊應請履畝清查如有隱漏及避重就輕者准令自報其田少糧多之戶亦即勘明歸正不得逾八月之限乾隆元年御史奏准州縣徵收錢糧照部頒定額刊印由單申送布政使核明分發花戶仍於錢糧完日繳送查核國麟以由單由司核發恐誤徵期併遲兵餉且花戶繳單不齊必差役催取或偶遺失更滋索詐現在每年照實徵簿刊易知單徵收日給發花戶甚屬便民似應仍舊部議從之安省舊置官田收租養馬歲入稻豆除驛站額租之外餘俱報出歸公兵部奏銷與正項無異每遇災歉民多賠累因奏請豐年仍照額收歲歉以收成分數核減至有馬田州縣通水者例碾米解省水腳向係州縣捐辦應請每石額給水腳米三升其不

通水州縣並請時價糶銀充餉官民均有裨益先是內閣學士方苞條奏南省地氣卑溼常平倉穀應請分別糶半存半糶七存三國麟乃請將安省所屬州縣不濱大江地氣高燥及卑溼而非最下之區仍遵存七糶三舊例其臨近江湖地形卑下及山陬嵐霧尤甚者糶半存半悉如議行尋擢刑部尚書舊通志潘思榘字絜方江南陽湖人雍正二年進士乾隆十一年由浙江布政使授安徽巡撫時鳳陽潁州泗州被災查勘賑卹區畫周詳復疏陳調劑災區三事極言鳳潁二郡之利弊一曰勸課農桑以警游惰二曰疏濬溝洫以備旱澇三曰稽覆流移以正風俗旋奉

上諭此乃根本之務歷年安省巡撫無有言及此者朕觀此奏甚嘉悅焉勉力妥為之以俟汝三年之成也九月調福建巡撫十一月奏請



將安徽學田囚田義田三項免租部議不准行思渠官終福建巡撫

贈光祿大夫諡敏惠

賜祀賢良祠舊通志

晏斯盛江西新喻人康熙六十年進士乾隆元年授安徽布政使奏稱各省地方水旱災傷應請令督撫一面題報一面遴委大員親至該處率屬酌量情形先發倉賑濟仍即題明加賑賑竣造冊報銷其應免錢糧數目或分年帶徵或按分數蠲免俱確勘請

旨

遵行再災荒蠲免錢糧即將丁銀統入地糧銀內覈算蠲免二年奏豁潛山縣屬水衝沙壓地畝三頃有奇三年以安省地方被災廣闊倉儲不敷賑糶奏准將本省不被災州縣漕糧截留備賑

江北多游食之民每遇歉歲輕去其鄉惟寓賑於工人必爭赴鳳潁二府之睢水廬江之巢湖及六安滁泗等州之隄堰溪壑概應及時修濬動帑興工下部議行五年奏豁太湖縣虛報水田一十五頃有奇額賦尋丁父艱回籍吏民思之舊通志陳大受湖南祁陽人雍正十一年進士乾隆四年授安徽巡撫五年疏言廬鳳潁等府素稱盜藪地方官多避參諱匿或事主隱忍不報致蠹役表裏為奸現在分案勒限嚴緝已報獲盜五十名

上以其到任未久

諭嘉之尋奏所屬二麥豐收而積歉後蓋藏宜裕晒麩造酒消耗最甚應行嚴禁又以高阜斜陂襍糧均不宜種惟旱稻一名畝粟其性宜燥產自福建安溪嘗遣購數十石分給各屬樹藝化無用



之田為有用冬月令民間搜掘蝻子斗給銀二錢興利除害為

舊志

政率多類此後調江蘇巡撫終兩廣總督諡文肅

楊超曾字孟班湖南武陵進士歷吏部尚書乾隆五年署兩江

總督六年兼署安徽巡撫先是三年安徽各屬賑災銀米數溢

於例屢經部駁布政使託庸請以司庫節年盈餘照數支補

命督撫查奏至是超曾言此銀米無捏報弊以不應著賠之項設法彌

補不可為平應即照數銷結

允之是年秋安徽臨淮鳳臺等二十四州縣江蘇上元江甯等二十六

州縣水災超曾於安徽撥司庫銀八萬兩并鄰近州縣倉米十

萬石備賑又動支司庫銀二十萬買米麥以供賑糶江蘇各屬

倉穀見存及動用者約百餘萬又撥司庫銀十餘萬分別賑恤

餘銀散給籽糧疏聞

硃諭曰料理賑務頗為得法旋以父憂歸七年卒

賜祭葬諡文敏

李元度先正事略新增

衛哲治河南濟源人拔貢生乾隆十四年授安徽巡撫嘗奏言

鳳陽向設委官六員嗣經裁去二員監督事務應歸鳳陽知府

兼管其正陽大關即以府屬通判就近稽查彈壓又以安徽甯

池太廣六府州屬馬田租稻向係折米搭放兵糧其不通水路

州縣俱折徵充餉後復改徵本色查徽州府屬嶺路崎嶇運腳

浩繁請仍折徵充餉至徵收錢糧有以糧戶住阯完糧認人不

認地者名為順莊之法有於每里中用一滾單給甲內首名挨

次滾催者名曰滾催之法於民多有未便奏請照舊辦理皆下

部議行

舊志

朱筠大興人大學士珪之兄也乾隆十九年進士三十四年以



翰林侍讀學士督安徽學政嘗言學政與主試不同主試惟拔取真才學政宜隨時訓諭俾知勤學立品又以士必通經而六書訓詁宜先講習嘗校刊許氏說文頒行各學安徽文風丕振皆思讀書稽古廣益見聞實由筠倡之任滿回京諸生齎糧受業者甚眾舊通志

閔鶚元浙江歸安人乾隆十年進士四十一年擢安徽巡撫時以鳳潁二郡節年災賑皆由安慶池州遠途撥運不若就近建倉儲糧以備急需而省運費奏請於鳳陽府壽州鳳臺縣及正陽關潁州府屬之亳州阜陽霍邱蒙城太和潁上等縣其建倉四百間分儲糧二十萬石以備賑卹又泗州舊城自康熙十五年淮湖並漲淪沒水中州治寄居盱眙山所轄七十二堡皆在其北風浪阻隔官民咸多未便乃請裁鳳陽府屬之虹縣歸併

泗州卽以其城爲州治並下部議行尋調江蘇巡撫舊通志譚尙忠字因夏江西南豐人乾隆十六年進士由主事洊擢安徽巡撫清儉如寒士以忤和坤降福建按察使再遷雲南巡撫入爲侍郎卒

高宗稱爲正人可任事

姚鼐文集神道碑新增

書麟字紱齋滿洲鑲黃旗人乾隆四十九年由署兵部侍郎授安徽巡撫五十年安徽旱災奏請截留漕糧五萬石並留關稅銀三十五萬兩有奇以備賑卹得

旨俞允并奏准將乾隆五十一年輪免安徽漕糧改於本年豁免復疏請設法清釐荒地如阜陽縣賦役全書開載荒地六千餘頃僅據報墾三千餘頃其餘已墾未報者自必不少屢次飭查未經勘實惟有稍寬年限立法清釐庶事不煩而民不擾且民間買



賣田地率多照契開界並不施弓查丈往往與糧額不符致啟  
爭訟應請嗣後將部頒官弓丈明畝數載入契內如有餘地照  
議定價值減半加增仍以所增之價一半入官一半給主則賣  
戶既免已往之罪又圖多得價銀必不肯扶同欺隱即買戶照  
額升科亦得糧清地實以免糾纏皆所樂從儻過割時不用官  
弓丈量即照欺隱律治罪仍於每歲年底將清出報升頃畝應  
徵錢糧彙冊題報數年之後自可漸復舊業於國課民情兩有  
裨益奏入深荷

嘉獎五十二年十一月擢任兩江總督終太子太保協辦大學士  
贈太子太傅一等男爵諡文勤

舊通志

陳步瀛字麟洲江甯人乾隆二十六年進士由庶吉士改主事  
洊擢安徽布政使五十年江淮大饑莠民脅眾攘劫步瀛督吏

賑卹防捕盜賊全護疲困自夏沆秋末安徽得甯勞瘁成疾旋

擢貴州巡撫卒官

姚鼐文集墓誌銘 新增

王德字達齋滿洲正紅旗人乾隆五十二年任安徽按察使勤  
廉果決貪吏酷吏皆無以售其欺吏治肅然為之一變嘗自言  
為民上者聽訟易使無訟難非嚴禁架詞聳准無以清訟之源  
徒云明察猶末也因手諭告誡諄諄然如父詔其子百姓感悟  
復指名捕積年訟棍嚴懲之於是民間告田宅找價者不敢以  
盜賣為詞告牲畜抵欠者不敢以糾搶為詞告自盡求驗者不  
敢以兇毆斃命為詞終德任凡二十有七月訟幾息又嚴禁囤  
積小錢出示曉諭有本使司立法務在日久遵循非暫時查禁  
可比云云旋升安徽布政使僅四閱月即內擢刑部侍郎後終  
兵部尚書閩浙總督

舊通志



孫士毅字補山浙江仁和人進士歷四川總督乾隆閒調兩江  
總督蕭縣碭山靈璧宿州時皆被水力營疏洩及撫卹事宜皆  
稱

旨仕至大學士嘉慶元年卒

賜諡文靖先正事略  
新增

朱珪大興人乾隆十三年進士五十五年七月由吏部侍郎授  
安徽巡撫時以宿州濉河等處雨多河流陡長淹沒民田廬舍  
奉

旨馳驛赴任查看水災自都攜僕五人隨往及河舟不具與村民同渡

驛無馬僅一弁策蹇來迓即令前導不訶也尋奏被水輕重情  
形分別撫卹是年十一月馳赴宿州督賑計親給八千餘戶丁  
口二萬有餘各官分給無不認真經理其靈璧泗州五河等屬

亦次第查辦嗣是各屬偶有偏災皆親往履勘督辦如初凡歷  
年積欠未能遽完者屢請展限緩徵又修築無為永成圩江壩  
以資保障民咸利之五十九年調撫廣東嘉慶元年復任安徽  
累升兵部吏部尚書皆畱任四年奉

召還朝仕至大學士卒

贈太傅諡文正入祀賢良祠舊通志

荆道乾山西臨晉人乾隆二十四年舉人嘉慶四年擢安徽巡  
撫先是江蘇巡撫宜興奏請革除漕弊有

旨命道乾會同漕督實力查辦因議請嚴禁浮收酌加旗丁耗米至是  
復查察旗丁沿途浮費議請禁革又贍運屯田一頃每丁派田  
若干及應得租籽飭糧道刊刻木榜令眾丁認田收租每船應  
領款項亦刊發易知由單給運丁親領以杜包領欺壓之弊其



老冊爲屯田根據向歸衛守備經管不足以昭周密應請照造一分發交各衛以備簽丁查驗之用其原冊改歸糧道收管俱得

旨報聞撫皖四年盡心民事清操特著嘉慶七年卒於任舊通志

王汝璧四川銅梁人乾隆三十一年進士嘉慶七年授安徽巡撫七年五月奏稱潁州府屬阜陽縣幅員遼闊與豫省毗連奸匪逃竄最易潛匿應於該縣驛口橋集添設督捕同知一員并酌設營汛移撥弁兵以資巡緝下部議行八月以楚省應需兵米請於安徽湊解十萬石接濟尋奏請照嘉慶二年之例碾米六萬石解楚接濟十月因太湖縣續報成災奏請一體緩徵並將勘報遲延之府縣嚴參議處十二月宿州匪徒戕官滋事汝璧帶兵馳往勦辦淨盡奏入得

旨嘉獎八年

上以汝璧年力就衰改授內閣學士旋擢禮部右侍郎舊通志

汪廷珍字瑟菴江蘇山陽人進士歷禮部侍郎嘉慶七年督學安徽爲學約五則以訓士曰辨塗端本敬業裁僞自立刻試牘曰立誠編附條約十八則抉摘至爲精密士風爲之一變道光初授協辦大學士八年卒

賜祭葬諡文端先正事略新增

董教增上元人乾隆五十一年一甲進士嘉慶十二年擢安徽巡撫甫莅任清理積案凡親提及飭屬審結者不下數十百起又查明通省虧空奏請展限彌補十三年部議以甯國池州廣德各府州棚民種植苞蘆妨礙民田應卽勒令回籍教增奏稱棚民遷徙恐致失業惟飭該地方官嚴加管束無庸驅逐以滋



繁擾十四年以徽甯各府巨室遠年世僕久經出戶往往藉端  
攻訐奏請以現在服役爲斷其出戶已及百年者一體開豁爲  
良得

旨俞允併纂入則例遵行十五年調陝西巡撫後以閩浙總督  
予告卒於家

賜祭葬諡文恪道光七年蒙

賜祀名宦祠舊通志

邵洪字海度浙江鄞縣人乾隆三十年以諸生迎

駕因洪祖基巡撫江蘇舊勞

欽賜舉人辛卯成進士由部曹洊升至江西布政使嘉慶八年調安徽  
布政使其在江西時盡屏藩司陋例又節其養廉以濟公尤能  
約吏書搜剔弊端不遺餘力迨移皖一以治豫章之法治之終

其任無敢舞弊文弄法者是年夏入都

陛見面陳地方民瘼及通省營制情形以撫標兵少各鎮不歸節制猝

有調發鞭長莫及卽奉

旨安徽巡撫兼提督銜並蒙

特恩豁免鳳泗等屬積年民欠錢糧尋以積勞成疾乞歸復起用至禮

部右侍郎卒舊通志

鄂雲布伊爾根覺羅氏正黃旗滿洲人嘉慶閒署安徽巡撫宿  
州舊有護城濠隄縣互八九里建自前明年久失修水道壅塞  
黃水驟至在在堪虞雲布奏准將濠隄二工同時挑築以資捍  
衛居民至今利之舊通志

百齡字菊溪先世張氏從龍入關隸正黃旗漢軍乾隆壬辰進  
士歷左都御史嘉慶十六年授兩江總督治河以謹守東清壩



為要義首疏海口乃求效於河凡五載黃流無倒灌患咸漲亦速消二十年捕獲逆詞惑眾之方榮升等百五十人於巢縣晉三等男爵旋兼署安徽巡撫卒官

賜諡文敏 先正事略 新增

胡克家江西鄱陽人乾隆四十五年進士嘉慶十七年任安徽巡撫十八年因豫省教匪滋事安徽潁亳一帶毗連豫省調兵防守奏請捐廉協濟軍需得

旨俞允並加一級後湖北訪獲教匪孫家旺供出李珠朱元等俱在安徽阜陽地方克家拏獲李珠究出匪黨王三保徐良璧張烈文等分別懲治奏入

上嘉之尋調江蘇巡撫 以上舊志

重修安徽通志卷一百三十九

職官志

名宦 三

統部

康紹鏞字蘭皋山西興縣人嘉慶四年進士由主事洊升鴻臚寺正卿十九年擢安徽布政使時安徽四十餘州縣皆旱紹鏞勸捐辦賑凡輸銀九十萬兩米麥七十餘萬石益以帑項數十萬兩荒賴以濟然藩庫止存銀三十餘萬其借支款項有出無入紹鏞嚴杜借支當奏銷時即於州縣應領項畫抵正供二年之內庫存銀三百二十九萬八千兩有奇二十一年擢安徽巡撫簡卒伍教射藝於廬鳳潁屬扼要繕營房立巡船先後擒治劇盜李才楊七等五十餘人又於濰河北股河修隄堰以遏黃



水之由減水滾水諸壩軼入靈璧宿州者於無爲州築捍江隄千二百丈二十四年調廣東道光元年入署禮部左侍郎歷廣西湖南巡撫入爲光祿寺卿致仕十四年卒程恩澤遺集神道碑以下新修白鎔字小山順天通州人嘉慶四年進士十八年以詹事府中允授安徽學政

仁宗睿皇帝諭以汝學問素好故放汝安徽學政汝去考試須選拔真才二十年遵

旨奏稱安徽民欠錢糧惟鳳陽泗州爲數較多該二屬瀕臨湖河每遇水漲各州縣多被淹沒請嗣後帶徵錢糧每年祇帶徵一年儻遇歉收再行遞緩得

旨允行又嘗撰正人心論一首發交各州縣刊示張貼至下學講書士林齊集常將孝弟忠信禮義廉恥八字就其切於該處士習者

諄切懇諭多有聞而心動歡欣領會者桐城童生左鳴岐前明左忠毅裔孫也年十三鎔特拔取之並勉之以詩青陽孝子徐守仁母歿廬墓鎔按試至池造廬賻贈並會同督撫題請建坊道光十一年以左都御史查勘江南災賑捐助千金平反多案又密保宿州知州周天爵可大任後卒如所言史館鈔傳行狀陶澍字雲汀湖南安化進士由編修歷給事中授川東道遷山西按察使道光元年擢安徽布政使三年正月授巡撫二月上以安徽倉庫錢糧虧空五次清查尙有轆轤

命逐細確查籌定章程覈實辦理三月奏言查其致虧之由多係因公賠累展轉那墊惟有極力整刷酌議追補章程嚴交代禁流攤裁捐款凡三條是歲瀕江三十餘州縣水災區畫周至五年勘明壽州之芍波城西湖鳳臺之蕉岡湖鳳陽之花源湖均可抽



溝入淮俾淮源強盛入蓄洪澤湖以敵黃又懷遠之新漲沙洲  
爲上游各州縣之患須再開引河數道奏請興辦及濱淮圩隄  
皆籌濬築又奏設各屬豐備倉創修安徽省志是年五月調江  
蘇巡撫十年總督兩江時裁鹽政歸總督管理澍奏省淮南窩  
價岸費場費淮北創改票鹽每歲暢行倍額溢課語在食貨志  
十九年六月卒官

贈太子太保

賜祭葬諡文毅入祀賢良祠十一月

上以澍整頓漕綱修復水利遺愛在民准祀名宦併建專祠

史館鈔傳

鄧廷楨字嶰筠江蘇江甯人嘉慶六年進士由編修知府超擢  
湖北按察使道光初歷江西陝西布政使六年授安徽巡撫奏  
明祖籍壽州

諭以遷居江甯業經五代毋庸迴避七年奏鳳潁泗等府州民動輒械

鬪經陶澍奏明收繳兵器今查私藏者尙多責成地保給限搜

淨又奏派委文武巡防江面添築無爲州黃琦灘月隄九年以

修安徽省志告成議敘添壽州考棚設立安豐塘古芍陂水門

二十八座十年疏濬鳳陽縣沫河口增築隄閘十二年奏添設

潁州府驛站舊例潁州府屬凶徒三人以上持凶器傷人者不

分首從發極邊煙瘴充軍僉妻發配廷楨奏言潁屬婦女頗顧

名節聞應僉配自盡全貞情亦宜恤下部議准停止僉配之例

十五年奏裁符離稅口尋擢兩廣總督十九年調兩江總督旋

調雲貴及閩浙二十六年巡撫陝西卒官

史館鈔傳

程懋采字憩棠江西新建人嘉慶十九年進士授編修道光中

洊擢山東按察使十六年授安徽布政使句稽官書設總冊及



簡明冊以杜借款輻輳書吏影射之弊設三印冊以杜交代糾纏州縣挪掩之弊三四年中清釐節省至百有餘萬十九年授安徽巡撫二十一年江潮盛漲倡捐賑濟安廬池太等屬修宿松縣康公隄民德之刻石曰程公隄時海疆警壽春鎮兵調赴浙江請募廬鳳穎六安等府州壯丁練防

宣宗嘉之二十二年洋船駛江甯楸采帶兵防蕪湖并募鄉勇千四百仍勸辦團練又條陳設防四事先後得

旨嘉獎

諭隨時體察酌量辦理二十三年調浙江巡撫未赴卒於安慶咸豐元年奉

旨入祀鄉賢祠

禮部奏案鄉賢錄事實

長喜字怡亭滿洲正黃旗人道光元年任安慶營副將訓兵輯

民交相愛戴民間有一文一武官如父母之謳文謂知府劉韻珂也兩署壽春鎮總兵十三年調江甯城守送者塞道後擢乍

浦都統二十二年殉海疆之難

懷甯縣志

季芝昌字仙九江蘇江陰人道光十二年一甲三名進士由編修洊擢吏部侍郎二十三年提督安徽學政兢兢然恐無以育才厚俗上負

三 王知真索章句盡拔其豪成就甚多二十六年受代還

朝由倉場侍郎至閩浙總督病歸咸豐十年卒

曾國藩撰墓志銘

王植清苑人進士道光二十三年授浙江巡撫旋調安徽二十四年二月抵皖撫任先是撫浙時遵

旨將浙皖接壤各縣棚民實力編查至是奏言棚民置有田產即與土著無異見飭查將歷年既久確有冊籍可憑者按戶換給門牌



其新添之戶及無業游民概逐回籍得

旨認真辦理九月以鳳潁泗州各屬被水請飭各州縣買補倉穀外添

買四萬石並勸紳富多為積儲於冬春減糶得

旨妥實為之又以鳳潁各屬棍匪滋多飭營汛一體兜拏并曉諭被害

民人許以格殺勿論奏入得

旨除莠安良勉之又勉十一月校閱江北各營因奏陳武備事宜均如

所議行二十八年各州縣災奏請截留藩關各庫銀兩備賑並

做照二十一年寓工於賑之法修築沿江隄壩均得

旨俞允先是盱眙縣張公邵公大王廟諸隄年久淹廢植率同官紳捐

修歷屆水患田廬攸賴咸豐元年授刑部左侍郎

命往江西查訊案件署江西巡撫二年因病開缺回籍行次望江縣卒

史館鈔傳

李星沅字石梧湖南湘陰進士道光二十六年由雲貴總督調兩江奏籌海外水師事宜五條二十八年秋江淮海并漲親籌賑撫戶部以連年蠲復絀於度支豫籌實庫策廷臣有漕糧改徵折色入銀京師於奉天陝豫採買以充倉庾之議星沅一再疏陳其不便事遂寢三十年正月

文宗御極授欽差大臣督師廣西咸豐元年四月卒於軍

賜祭葬諡文恭

先正事略

沈維鏞字鼎甫浙江嘉興進士累官湖北福建順天學政校士外兼留心民瘼道光壬辰以左副都御史視學安徽次年濱江各郡水災與撫藩分籌備賑復捐廉佐事又以壽州鳳臺去郡數百里有長淮之險與總督陶澍巡撫鄧廷楨建議奏請更設試院於壽州下部議行甲午留任進工部左侍郎丁酉差竣去



官前後凡五年馭士嚴肅而有凌轢庠序者亦必力持以直之  
所得優拔貢生多內行醕備博洽篤學不弊弊於文藝之末當  
塗為學署地尤為士民所懷嘗於去後立三翠螺書院以祀己  
酉卒祀鄉賢祠曾文正國藩所作傳

蔣文慶漢軍正白旗人嘉慶十九年進士由主事洊擢浙江按  
察使道光二十五年升安徽布政使歷辦賑務節帑愛民甚得  
政體咸豐元年四月護理安徽巡撫辦團練保甲飭屬巡江五  
月實授巡撫拏獲捻匪多名二年粵匪竄湖南境江鄂皖省戒  
嚴皖兵六千分防汎地文慶請於江北鳳陽等府募勇二千以  
補兵力十一月賊竄湖北

諭安徽江西沿江一帶節節嚴防江防尤關緊要著蔣文慶仍駐省城  
就近調度三年正月賊東竄總督陸建瀛於九江失利遽退金

陵安慶遂陷文慶死之

文宗以文慶登陴督戰疊受刀傷殞命尚不失城亡與亡之義照巡撫  
例

賜卹祭祀京師昭忠祠並於安慶府城建立專祠給騎都尉世職史館

予諡下曾國藩等查明覆奏五年  
賜諡忠愍禮部咨文 奏案鈔存

周天爵字敬修山東東阿進士道光四年選安徽懷遠知縣勸  
民捐設豐義倉修築郭陂塘龍王壩諸工溉農田千餘畝八年  
調阜陽有劾其殘酷者

命總督蔣攸銛查奏尋奏言天爵愛民如子嫉惡如仇  
諭曰此等不避嫌怨之員最為難得既據查明刑傷各犯皆凶惡棍徒



著毋庸議歷升宿州知州廬州府知府廬鳳道屢獲巨盜教匪治如律任安徽按察使甫一年升陝西布政使歷漕運總督署廣西巡撫咸豐三年

賞兵部侍郎銜協辦安徽防剿天爵於壽州募勇張鳳山等千二百餘人帶防正陽關旋授巡撫尋改授李嘉端巡撫天爵暫行署理仍以兵部侍郎銜辦理防剿天爵飭兵勇分捕宿亳懷遠蒙城靈璧等州縣擒匪斬牛文禮等五百餘人北路肅清親督義勇往廬鳳追剿南路餘匪嗣以廬州地居皖省之中形勢扼要奏准改爲省垣剿平定遠匪目陸遐齡賊巢四戰斬千餘級尋攻永城之火燒店獲擒匪首胡萬箱等又於張橋鎮雉河集等處先後斬獲著名賊目九月卒於軍奉

諭追贈尙書銜照尙書例賜卹加恩賜諡文忠無庸俟內閣擬請以示

篤念耆臣逾格褒忠至意

史館鈔傳

國朝非翰林不得諡文天爵由

特賜異數也

嚴正基憫忠草

天爵出身科第而武技絕倫捕治盜賊懲戢豪強

人咸畏懾篤信良知之學治法一宗陽明在懷遠擒倪濤在阜陽擒李大畜攷在宿州興書院建考棚修橋梁在廬州治江壩振學校剿匪潁州卒於王市集百姓哭送數十里至今戶祝之中間罷官歸田躬耕自給親與其子磨菽云

懷遠阜陽合肥等縣志宿州志

江忠源字岷樵湖南新甯舉人候選教職道光二十八年協剿新甯會匪出力以知縣揀發浙江署麗水三十年

詔各大臣保舉人才侍郎曾國藩以忠源奏入

文宗命來京旋丁父憂咸豐元年賽尙阿視師廣西調忠源隨剿轉戰湖南屢著勞績三年洊擢湖北按察使



命赴江南幫辦向榮軍務適剿辦通城崇陽嘉魚廣濟土匪先後就竣  
疏報起程並陳軍務得失八條得

旨所陳均切中機宜忠源行抵九江聞粵匪竄撲江西省城即馳往援  
偕巡撫張芾力籌戰守九十餘日圍解擢安徽巡撫先是皖省  
自安慶被擾移省會於廬州府城至是江西下竄賊船復踞安  
慶並由金陵分股竄陷桐城舒城十一月竄撲廬州忠源力疾  
馳抵府城登陴嚴守分門布置賊掘地道經我軍迎掘破之疊  
敗撲城之賊殪數百名奏入

文宗以忠源病軀督戰疊挫賊鋒

優詔嘉其忠勇賊以地雷轟大西門開十餘丈逆眾擁上忠源督兵力  
禦卻之槍築復完疏陳其事及固守待援餉需不繼情形嗣有  
總兵音德布等援兵進燬賊營哨棚忠源分飭兵勇縋城接應

連日殲賊甚多越日賊撲小東門正抵禦閒忽水西門地雷轟  
裂八丈有奇賊乘勢入忠源督兵冒煙衝擊斃賊數百受傷無  
算賊乃退小東門之賊亦經擊敗

諭曰江忠源力保危城躬親戰陣督率將弁兵勇併力捍禦實屬忠勇  
可嘉之至賞給霍隆武巴圖魯名號既而援兵不力城中餉乏兵疲  
遂夜陷忠源力竭死之

諭追贈總督卽照總督陣亡例賜卹入祀昭忠祠於殉難地方建立專  
祠尋

賜祭葬諡忠烈世襲騎都尉兼一雲騎尉史館傳廬州及湖南江西皆立

專祠曾國藩撰碑文又請祀安慶省城忠義祠懷甯縣志按江忠烈

憲撰行狀曾國藩撰神道碑銘李元  
度撰事略徐子苓撰廬州戰守記

賡音泰字起齋滿洲正黃旗人道光二十五年任安徽撫標右



營遊擊整軍愛士表揚忠義咸豐三年安慶陷收集潰兵守集賢關殲洪家鋪逆股力拒賊首秦曰綱苦戰陣亡守備升謙滿洲人廣東都司伍登庸同死之懷甯縣志

孫銘恩字蘭檢江蘇通州進士由編修洊擢侍郎咸豐二年提督安徽學政以賊竄池州等處

諭令傳諭各屬紳民認真團練銘恩將籌議情形覆奏四年三月命偕在籍前河督潘錫恩籌辦防剿事宜銘恩未奉

諭旨之前以親老多病奏請開缺回籍得

旨准其開缺回籍省親俟銷假時以三四品京堂降補四月太平府陷銘恩坐堂罵賊被執至金陵迫降不屈與其僕范源俱遇害事

聞

賜祭葬從優議卹

贈內閣學士銜諡文節入祀昭忠祠世襲騎都尉史館鈔傳先是銘恩倡捐

千金募勇飭士民協力守城及賊至勇潰遂及於難當塗縣志

沈祖懋字念農浙江杭州府人道光戊戌進士咸豐五年簡任安徽學政皖北被寇深羣視爲畏途祖懋獨慷慨出使郵傳阻絕紆道輾轉至蘇州受關防奏請赴徽州甯國暫駐二府爲入浙門戶在徽五年弔死傷問疾苦士民親之然賊去來無常欲舉試事輒中止九年受代謝病歸譚廷獻所撰狀

何朝亮廣東香山人安徽撫標守備洊升壽春中營游擊歷護總兵咸豐三年冬隨巡撫江忠源守廬州剿鳳陽巢縣賊股四年從提督和春剿賊廬州攻城奪隘五年六月和春督攻北關爲賊所困朝亮帶隊奮擊深入賊衝力竭陣亡經和春奏准

予卹並建專祠同治七年給事中潘斯濂疏請



賜諡飭下巡撫覆奏於十一年十二月

賜諡勇烈

英翰奏案

全玉貴貴州鎮遠人以黔卒從征粵賊為都統烏蘭泰所器洊升都司轉戰湖南從向榮剿賊金陵以功擢壽春鎮總兵時人比之唐代薛仁貴以其戰必衝鋒先登著白襦襜以自標異也因受傷甚鉅令赴壽州本任調養未幾傷發卒於鎮嚴正基憫忠草

何桂珍字丹畦雲南師宗進士由翰林院侍講於咸豐四年出為徽甯池太廣道時安慶久陷改省廬州亦為賊踞巡撫福濟軍廬州之店埠徽甯等府州暫歸浙江兼轄賊擾道梗桂珍不得之官福濟疏畱江北令募勇二百餘人率以西至霍山號召鄉兵三千有奇十月二日大破捻首李兆受於霍山城東追擊至麻埠又五日至流波瞳檄商城固始團練堵其北金家砦圍

練禦其東而自率所部遏其西捻黨大懼兆受與馬超江等投誠散脅從萬計先是巡撫檄桂珍援廬江檄未至而廬江已先陷竟効落職當是時桂珍猶以孤軍辦賊五年正月克蕪水旋克英山殄悍酋田金爵巡撫乃疏畱桂珍駐英山然八閱月僅支見銀三百兵民從者日眾益以兆受等降卒無所得食軍遂潰兆受以絕糧故不能無缺望又以超江為土人所殺怨官不捕償益大恚設位哭捻黨聚議為超江復仇於是皖豫兩省皆以兆受復叛聞懸賞購其頭兆受不自安詣桂珍自陳桂珍拊慰之稍稍定會巡撫有密書下桂珍先發制賊書為兆受得謂賣已遂伏兵戕桂珍於英山小南門焚尸颺之從死者四十七人同治三年曾國藩疏陳桂珍率鄉勇剿賊時窮餓艱危狀卒以機事不密為叛人所戕天下冤之國藩并引為己疚籲請



天恩旌卹得

旨賜卹祭葬諡文貞建祠英山世襲騎都尉

曾國藩求闕齋文鈔  
兩江奏案 先正事略

金光飭字廉石廉或作蓮直隸天津監生道光二十六年署定遠

知縣擒治西鄉械鬪匪首三十年補建平咸豐元年再調定遠

二年升壽州知州戢暴安良循聲卓著三年髮賊擾皖土匪乘

機蠢動光飭手刃數人亂乃定募勇千餘修城儲糧行保甲備

軍械守禦完整威名大振擢廬州知府搜捕伏莽鎮輯兵民以

道員記名加按察使銜鏗邑巴圖魯署廬鳳潁道七年擒逆犯

霍邱偪正陽光飭率眾追擊之移師壽州與髮逆陳玉成接戰

七晝夜力保危城圍解後進攻正陽在沫河口督隊連踏賊壘

渡河擊賊骸受矛傷舟覆死之奉

旨照布政使陣亡例賜卹並准於壽州建立專祠

賜諡剛愍給騎都尉世職十年哀甲三等奏奉

俞旨准於天津縣建專祠隨同陣亡之勇目呂祥邱常章黃悅祁祝

祁和周洪姚山等附祀並給予光飭祖塋祖母胡父鎔母田二

品封典同治元年二月

上諭查明忠良死節之臣再賜祭一壇七年七月

上諭擒匪全股蕩平加恩賜祭一壇用慰忠魂

定遠建平合肥等縣志  
壽州志 奏咨各案

鄧紹良湖南乾州廳屯兵由把總從征廣東廣西轉戰湖南湖

北江南皖南歷官至浙江提督初咸豐三年紹良以壽春鎮總

兵赴江南軍營擊賊屢有功四年四月髮賊竄太平府閏七月

紹良攻克太平府即駐其地十二月賊由蕪湖犯徽甯紹良由

甯國出屯黃池遏蕪湖內犯之路擊退逆首石峒淙五年正月

蕪湖之賊復犯黃池紹良剿殲之二月賊竄徽州擾黟縣三月



陷婺源迫近浙江紹良奉

命赴援各路援兵均歸調遣至則選精兵破賊以次復婺源黟石埭蕪湖諸縣六年

命幫辦皖南軍務會賊陷甯國府紹良倍道往援七戰皆捷分兵六隊環攻各門遂復甯國府八年十一月在灣沚同總兵戴文英禦賊接仗力戰陣亡

贈太子少保銜諡忠武世襲騎都尉兼一雲騎尉子亨先賞員外郎銜尋以員外郎用襲世職同治元年

賜祭一壇史館鈔傳

李孟羣字鶴人河南光州進士廣西知縣軍功道員用咸豐四年曾國藩奏調赴湘帶水師隨同復岳州武昌陷孟羣之父署湖北按察使李卿穀死之

子諡愍肅世襲騎都尉孟羣丁憂

諭旨畱營剿賊五年三月署湖南按察使六年隨官文再克武漢七年

補湖北按察使以布政使遇缺題奏三月官文奏派帶兵赴廬州助剿途次授安徽布政使四月復英山六月復霍山十一月霍山再陷再復之八年二月自六安援固始解城圍三月平商城匪黨四月復六安七月

命暫署安徽巡撫帶兵駐麻埠是月廬州陷褫職畱營進紮廬州之長城九年二月六安陷賊逼長城孟羣孤軍相持十餘日營陷執至廬州大罵不屈死之

賜卹如布政使陣亡例諡武愍同治元年

賜祭一壇照巡撫陣亡例優卹於廬州府建專祠并從祀伊父李卿穀固始專祠世襲騎都尉兼一雲騎尉史館鈔傳 按李孟羣有絕命詩四首並序



唐鑑字鏡海湖南善化人山東肥城籍進士由檢討御史改員外郎道光中為安徽甯池太廣道調江安十府糧道潛研性道宗尚洛閩諸賢所至以是飭其躬亦以是牖於人時時延納人士入署親與講授設立義塾誨誘寒峻洵擢江甯布政使入為太常寺卿致仕主講金陵書院

文宗召赴闕進對十五次中外利弊無所不罄

諭旨以其力陳衰老不復強之服官令還江南矜式多士咸豐十一年

卒

賜諡確慎

曾國藩撰墓誌銘

福咸蒙古正紅旗人道光己酉拔貢河南知縣累擢江南鹽道咸豐九年調署徽甯池太廣道駐甯國府堵剿髮逆招集流亡十年府城被圍督率軍民固守待援自五月至於八月城陷接

戰受傷墜馬與縣丞沈煒幕友王榮昌家丁鄭榮等均死之

贈按察使銜照道員例優卹給騎都尉世職子員外郎衡峻襲沈煒江

蘇崑山人

贈鹽經歷銜卹廕如例

曾國藩奏案

翁同書字葑房江蘇常熟進士由編修洊擢少詹事咸豐六年幫辦德興阿軍務復揚州江浦浦口擢詹事七年克瓜洲以侍郎候補八年敗賊六合復來安授安徽巡撫督辦軍務尋

命幫辦勝保軍務皖境各軍均歸節制同書移營定遠派兵復天長疏

請嚴禁徽甯等府花會以絕亂萌九年疏請嚴定查辦卹典限

期三月六安陷賊犯定遠勝保出戰同書夾擊大破之進復六

安六月擒匪龔得撲定遠城陷同書移駐壽州疏陳練兵選將

裕餉事宜派員剿撫屬民圩漸知悔過薙髮投誠十月以賊



重刊安徽通志 卷一百三十九  
三  
踞明光淮鹽不得渡河請令皖北暫食蘆鹽又以皖北糜爛已  
極疏陳補救三策報

聞捻首孫葵心圍潁州同書派兵剿敗之乘勝攻髮逆於霍山復其城  
平霍屬之毛坦廠賊壘十二月髮捻合圍壽州擊卻之十年正  
月焚定遠之爐橋捻壘進擊舒城破王家海賊圩時河北團練  
響應擊髮捻巨股於全椒阜陽攻克各圩尋疏陳鹽利開屯之  
策並屯田六利旋攻拔程家圩收撫捻圩六十處逆酋陳玉成  
圍壽州擊退之密陳機務四事續陳五事

上聽其言收人才一條利少弊多餘將隨時措施十一年

召來京以失守定遠壽州及紳練仇殺之事於同治元年

命褫職二年戊新疆三年都興阿奏准畱甘肅軍營四年有花馬池之  
捷旋卒於軍開復原官

贈右都御史諡文勤

史館鈔傳

賈臻字運生直隸故城進士河南布政使署安徽巡撫咸豐十  
一年駐潁州府髮捻數十萬圍城臻嚴防固守時有議權門捐  
者臻示停之誅內奸禦外寇籌兵食民心乃定守百餘日圍始  
解潁民德之

阜陽縣志

袁甲三字午橋河南項城進士由主事洊擢給事中咸豐三年  
幫同呂賢基辦理安徽團練尋署廬鳳潁道代領周天爵之眾  
破巨捻於高公廟加三品卿銜署安徽布政使疏辭布政使卽  
以三品卿兵科給事中剿辦安徽捻匪擒捻首鄧大俊孫重倫  
宮步雲馬九等十二月廬州陷四年擣蒙城賊走永城追及於  
蕭縣賊全股渡河甲三引軍還

旨嚴飭之會賊由黃河南竄敗之於潁州於正陽關回軍亳蒙擣臨湖



鋪偪雉河破義門移軍駐臨淮邊賊北竄超擢左副都御史六安團練復州城甲三請

恩免糧賦優敘助剿者分兵攻俞家灣擒其渠援六安軍蒙城敗蘇添幅等於寺覺集敗烏江踞逆於馬河遣參將劉玉豹舉人臧紆青由六安奪大小兩關圍桐城援賊麇至紆青戰死玉豹收眾退保六安

旨嚴飭之五年緣事罷職尋辨獲雪

命隨英桂剿辦河南捻匪時張落刑等分踞鳳潁徐州各境圍亳陷懷遠蒙城夏邑虞城犯歸德會甲三之子編修保恆以三千人解亳圍甲三自永城亳州急抵雉河賊巢督陣摧堅累戰皆捷落刑僅身免

旨嘉獎著以三品京堂候補敗張落刑於大橋口於太清宮於十八里

鋪七年拔王鄧姚諸圩授太僕寺卿移師助勝保攻張落刑於正陽關分兵克韓圩十月偕勝保援固始八年二月解其圍進復六安宿南賊踞王家圩甲三自正陽移軍宿州襲殲賊首乘勝攻七圩

命代勝保督辦三省剿匪事宜擊張落刑於陳家莊走之派兵復豐縣連敗之於銅山一帶尋蒙亳賊竄歸德將窺周家口佯趨西北開封震動甲三令保恆傅振邦分道追及大破之豫境肅清九年正月派兵擊張落刑於草溝破其巢逼至沱河溺賊無算

命來京供職旋以三品頂戴署漕運總督十月勝保丁憂命署欽差大臣關防督辦皖省軍務尋實授漕運總督

欽差大臣克臨淮關進擣鳳陽鳳陽府縣兩城相距三里十年正月並克之派兵克清江浦復全椒縣督軍圍攻定遠擊退援賊陳玉



成鳳境以清十一年遣兵破泗州靈璧之賊九月疏請派兵討苗沛霖

諭甲三督同李世忠調派官軍會同賈臻田在田巖樹森毛昶熙等各路兵勇奮力追剿甲三遂檄世忠等攻壽州未至而壽州已陷甲三攻懷遠適張落刑將由長淮衛渡淮而北遂移軍擊走之駐軍長淮衛解散苗黨反正二百餘圩十一月克定遠十二月拔六合天長同治元年正月克江浦浦口四月遣將帶兵會將軍多隆阿克盧州府七月以病開缺回籍又疏稱苗練終難就撫二年三月果復叛

命甲三在籍會籌防剿時病已亟猶日議戰事六月卒

賜卹如例諡端敏陳州臨淮淮安並建專祠入祀河南鄉賢淮安名宦

祠史館  
祠鈔傳

李續宜字希菴湖南湘鄉人從其兄續賓討賊江西湖北積功洊擢道員咸豐八年續賓殉難三河續宜在黃州收集潰卒接統其軍自鄂援湘解寶慶圍十年東還授安徽按察使駐軍懷甯桐城之間曰青草塌者大敗逆酋陳玉成於掛車河

賞二品頂戴十一年擢安徽巡撫調湖北

命駐湖北安徽交界督辦軍務旋調撫安徽同治元年

命幫辦勝保軍務時髮捻合圍潁州府已數月續宜駐師臨淮派提督成大吉總兵蕭慶衍渡淮援剿潁圍解派道員蔣凝學攻克霍邱剿撫各圩陰散逆黨選任賢吏安民墾田功緒漸彰

命為欽差大臣督辦軍務旋丁母憂疏請奔喪甚力

賞假百日回籍治喪途次病二年十月卒

諭照總督軍營病故例賜卹並於湖南湖北安徽省城寶慶府城湘鄉



縣城建立專祠

賜諡勇毅三年金陵克復

恩賞續宜子光英直隸州知州

史館鈔傳 國藩撰碑銘 曾

程鈺字琢堂江西鄱陽舉人大挑知縣道光二十一年補穎上先後十八載咸豐十年授徽甯池太廣道加按察使銜仍留署穎州知府同治元年調辦剿匪事宜二年病歸旋卒其任穎上也教養兼施除暴安良團練守城疊卻髮捻鈐制苗逆擒斬圩匪深得民心歿而見思同治九年奉

旨入祀名宦

穎上縣 呈冊

姚體備字秋浦山東鉅野進士咸豐中從曾國藩剿賊安徽以補用道員辦理營務十一年署徽甯池太廣道駐於祁門時賊擾轄境力籌防剿撫綏難民威惠甚著同治元年秋巡閱徽甯

各嶺防蒙犯瘴疫卒於營次是年十二月曾國藩奏蒙

恩卹贈蔭如軍營立功後病故例

奏案 鈔存

張鳳翥字鍊渠江西武甯拔貢從李續賓李續宜剿賊襄辦軍務者六年續賓兄弟深倚重之同治二年曾國藩奏署徽甯池太廣道駐於祁門三年浙蘇羣賊盡竄徽境鳳翥協同各營籌辦防剿得以保全旋撤祁門團練修學宮興書院與民休息四年實授徽甯池太廣道時湘軍駐防徽州府及休甯縣者有譁餉之變鳳翥不避艱險前往安撫事定調省憂勞成疾卒是年十一月曾國藩奏蒙

恩卹贈蔭如軍營立功後病故例

奏案鈔存 祁門縣志

李文森字恕皆貴州鎮遠進士奉天知縣有循聲同治元年曾國藩以堪任師旅熟悉吏治奏調安徽行抵臨淮唐訓方委署



亳州知州時僧王駐軍亳東委文森讞案移軍蒙城雒河皆令  
隨往又委運銅礮至蒙城初帶勇百名二年僧王北行乃增募  
千人駐防東路蒙城告急引軍援之擢潁州府知府苗逆平僧  
王委運糧蒙城賑難民三年擒就撫復叛之小霸王者正法提  
所屬控府各案訊結多起修考棚課書院升授廬鳳潁道久旱  
禱雨獲應四年署安徽按察使旋署徽甯池太廣道先是吳坤  
修任徽甯道捐修鳩江書院至是文森請准月撥釐局銀五十  
兩考課諸生外給銀千兩墾田入書院收租為永遠膏火修房  
二十餘間為肄業所勒碑記之五年解官送部引

見改雲南委用道六年赴滇道卒年三十九安徽士民思其遺愛請祀

名宦 懷甯蒙城阜陽等縣志 行略 年譜 莫友芝集 雙溪詩文集 稟

馮志沂字魯川山西代州進士由刑部主事洊升郎中咸豐三

年尚書許乃普以知兵薦奉

旨交山西巡撫差遣派防固關事竣回京十一年授廬州府知府勝保

奏調隨營剿捻有功加道銜同治三年唐訓方調辦文案旋赴  
本任招集流亡撫綏教養禮賢課士謝絕餽遺清操自勵深為  
曾國藩所器重累署鳳潁六泗道安徽按察使補徽甯池太廣  
道皆以清靜為治廉威稱其職六年卒官幾無以斂行篋僅圖  
書千餘卷著有微尚齋詩文等集

贈光祿寺卿銜廕子知縣如軍營立功後病故例 合肥縣志 英翰 奏案 馮氏家傳

陳濬字心泉福建閩縣進士江西南安府知府咸豐十一年曾  
國藩奏調來皖同治元年補安慶知府濬廉靜慈祥與民休息  
作勸士四則曰安貧篤行動學勸善作戒訟五則曰惜財修睦  
達觀簡詞守法皆藹然仁者之言四年擢安廬滁和道五年送



部引

見改湖北委用道旋授武昌道卒懷甯縣志

馬新貽字穀山山東荷澤進士道光二十九年署太和知縣寬

猛相濟嘉惠士林太和縣志三十年署宿松賑水災宿松縣志咸豐元年

攝亳州決斷如流公餘與諸生論文講經帶勇擣義門集鄧鵬

賊巢亳州志四年知建平縣築城浚池練勇籌餉以禦髮逆暇則

勸農課士吏畏民懷六年卸任祖送者三十里作長生位於向

公祠建平縣志調赴江北軍營歷安慶廬州等府知府洊擢安徽按

察使同治元年授布政使五年升浙江巡撫九年終兩江總督

贈太子太保銜諡端敏臨淮建立專祠奏案鈔存

曾國藩字滌生湖南湘鄉進士由翰林仕至

武英殿大學士再任兩江總督同治十一年二月卒官先是咸豐

十一年八月克復安慶駐軍省城至同治三年六月克復金陵

諭曰髮逆洪秀泉倡亂廣西於今十有五年竊據江甯亦十二年蹂躪

十數省淪陷數百城欽差大臣協辦大學士兩江總督曾國藩自咸

豐三年在湖南首倡團練創立舟師屢建殊功保全湖南郡縣克復

武漢等城肅清江西全境東征以來由宿松克潛山太湖進駐祁門

疊復徽州郡縣遂拔安慶省城以為根本分檄水陸將士規復下游

州郡大功告成逆首誅鋤實由該大臣籌策無遺謀勇兼備知人善

任調度得宜加恩賞加太子太保銜錫封一等侯爵世襲罔替並賞

戴雙眼花翎尋

錫侯爵美名曰毅勇及是遺疏聞

諭曰曾國藩學問純粹器識宏深秉性忠誠持躬清正蒙

宣宗成皇帝特達之知洊升卿貳



文宗顯皇帝優加擢用補授兩江總督命爲欽差大臣督辦軍務朕御極後簡任綸扉深資倚任東南底定厥功最多歷任兼圻於地方利病盡心籌畫老成碩望實爲股肱心膂之臣茲聞溘逝震悼良深其追贈太傅照大學士例賜卹賞銀三千兩治喪賜祭一壇予諡文正入祀京師昭忠祠賢良祠並於湖南原籍江甯省城建立專祠生平政績事實宣付史館其一等侯爵卽著伊子曾紀澤承襲又

諭曰何璟英翰李瀚章先後臚陳曾國藩歷年勲績英翰李瀚章並請於安徽湖北省城建立專祠披覽之餘彌增悼惜曾國藩器識過人盡瘁報國當湘鄂江皖軍務棘手之際倡練水師矢志滅賊屢經困阨堅忍卓絕曾不少渝卒能萬眾一心削平逋寇功成之後寅畏小心始終罔懈其薦拔賢才如恐不及尤得以人事君之義忠誠克效功德在民允宜迭沛恩施以彰忠蓋著於安慶湖北省城建立專祠

此外立功省分准一併建祠嗣是劉坤一請於江西省城張樹聲請於揚州府城李鴻章請於天津建祠均奉

旨俞允各疏均宣付史館今錄其事繫安徽及淮鹽者著於篇安徽巡撫英翰疏曰曾國藩督師幾二十年蕩平數省用兵以在皖爲最久功績亦以在皖爲最多當其由江鄂轉戰而前正值髮捻披猖接連一片江淮南北幾無完土曾國藩勵兵選將推賢讓能百折不回堅忍不拔先平皖南繼克安慶旋復廬州淮淝以南大江上下同時底定僧格林沁大軍得以專力蕩平北路曾國荃李鴻章左宗棠等因而分道並進肅清江浙克復金陵殄除巨憝是安慶一役實爲南北廓清一大關鍵安慶克復後曾國藩督軍駐劄整吏治撫創痍培元氣訓屬僚若師弟視百姓如家人生聚教養百廢具舉閭閻慶衽席之安父老忘亂離之



苦如是者又數年至同治五六年閒臣帶兵剿捻曾國藩駐軍  
徐州一帶每有書問皖事猶諄諄以安民察吏爲要務至今皖  
中一切措施遵其規畫皖民之安堵實皆曾國藩所畱貽故一  
聞其病歿之信士民奔走婦孺感泣同聲請奏建祠實出愛戴  
之忱自昔疆臣湯斌于成龍而後未有若此感人之深者署兩  
江總督張樹聲疏曰軍興以來淮南運道梗阻引岸廢弛商逃  
竈困淮北迭遭匪擾票法全壞加以軍營提鹽充餉勢如亂絲  
曾國藩於同治二年將南北兩漕次第整理三年正月奏定淮  
南新章八月奏定淮北新章以運商運鹽到岸弊在爭售則立  
督銷總局以整輪規場商收鹽入垣弊在搶銷則立售鹽總棧  
以保鹽價而大要尤在明於用人凡設局卡必求廉正練達之  
員不拘資格推心倚任故能同心襄助無弊不剔無利不興自

同治三年汜九年十二月前後七載淮南北共收鹽課釐銀二  
千萬兩有奇鹽釐錢七百萬緡有奇湘淮各軍轉戰數省軍餉  
半皆取資於兩淮課釐曾國藩又以淮南引地爲

國家大綱所繫七年十年兩次奏禁川私爲南商廣籌銷路不遺  
餘力又與馬新貽商議奏停驗資以杜債號之弊循環轉運至  
今稱便以上並見邸鈔

鄭魁士宣化人由行伍積功至總兵隨提督向榮追賊江南咸  
豐三年奉

旨督兵皖北迭克廬州三河巢縣廬江各處補壽春鎮總兵

賞頭品頂戴沙拉瑪該巴圖魯勇號剿賊懷遠受傷

賞藥醫治旋擢浙江提督歷辦安徽甯國江蘇東壩軍務同治初督隊  
協剿直東署直隸提督因傷發回籍病故魁士治軍皖省每獨



重刊安徽通志 卷一百三十九  
當一面驍勇絕倫其馭眾恤兵仁嚴並濟子永祥浙江遊擊隨  
軍擊賊歿於廬州營次十二年奉

旨鄭魁士著交部議卹並加恩予諡

李鴻章奏案

吳坤修字竹莊江西新建人由湖南知縣於咸豐三年爲曾國  
藩所拔識隨營帶兵轉戰湘鄂江皖四省克復府縣城池二十  
餘處力扼湖口要衝剿辦皖南踞逆移防無爲廬江蕪湖會克  
九洑洲各要隘海保題奏按察使四年署徽甯池太廣道補安  
徽按察使五年署布政使轉輸饟餉興學校建廡署辦城防六  
年回任七年署巡撫時皖軍剿捻坤修駐壽州籌協前敵軍餉  
整飭營伍經理善後悉竭心力旋補布政使仍署巡撫九年回  
任整頓吏治綜理餉需勤催科籌賑卹鉅細躬親積勞成疾十  
一年卒官

贈內閣學士銜廕子入監以知縣用坤修好讀書喜爲詩刻半畝園叢

書三十種著三恥齋詩集十卷在任時浚省城溝道置學宮禮

樂器選諸生肄之又建忠義節烈祠曾文正專祠奎星閣大觀

亭振風塔鳩江書院及修余忠宣李醕風墓皆捐資爲之

英翰奏案

管樂撰行狀

馬恩溥字雨農雲南太和進士咸豐十一年任安徽學政時軍

興不能按試安慶克復後曾國藩興復敬敷書院恩溥勤於課

士刻有試牘士氣士習俱振終江蘇學政同治十三年卒於太

倉

採訪續冊

福濟字元修滿洲進士咸豐四年由漕運總督調授安徽巡撫  
時值廬州失陷前撫江忠源殉節之後福濟草創軍旅收集潰  
散與提督和春鄭魁士等勉圖恢復踰年攻克廬州府城又迭



克含山舒城三河巢縣廬江各城隘在皖五年為江北保障嗣由西甯辦事大臣調任烏里雅蘇台將軍緣事落職其家屬俱在馬城殉節福濟回旂後以積勞病歿光緒元年奉

旨照巡撫例賜卹

李鴻章奏案

喬松年字鶴儕山西徐溝進士同治三年授安徽巡撫時賊馳突楚豫蒙亳六霍閒一歲數驚松年駐劄臨淮外禦巨寇內靖土匪先後擒斬姚紹珍徐廣山王稀毛猴王廷用等居民賴以安堵鳳壽田畝荒廢按戶給發牛種又興復書院按月課士後調補陝西十一年卒於東河總督任奏請臨淮建立專祠並奉

旨予諡

裕祿奏案

鄧瀛字介槎福建上杭進士道光二十二年由御史出任甯國知府訊斷明決刁健之徒無不斂戢甯俗惑於風水親歿多殯

厝不葬瀛出示嚴禁並於考試日飭令保結內聲明有無親歿不葬等情分別收考詳請定章永革陋習遇水旱災捐廉倡設粥廠全活甚眾敬亭書院久弛重加整理捐助膏火手訂學規六條惟以力學敦行為勸咸豐三年軍興設保衛局團練以故甯城獨障一面六年升徽甯池太廣道兼按察使銜緣事革職旋開復原官八年以奏參浙江道員許烺議降級離任去之日士民焚香泣送者踵相接云

續探訪冊

光緒三年奉

旨祀名宦祠

裕祿奏案

英翰號西林薩爾圖氏滿洲正紅旗舉人咸豐四年以知縣揀發安徽歷署合肥鳳臺霍邱宿州及鳳潁同知事先後破平合肥賊壘收撫宿州賊圩各數十處同治二年在宿州任內又收撫劉天福李勤邦劉天祥張慎德王瀨潮羅克有侯泳固及生



擒巨擒張落刑并其子張濬升補潁州知府加道銜苗沛霖叛圍蒙城率軍赴援攻克丹鳳集連破賊踞之穆家張蔡等圩又擊退濁溝之賊署盧鳳道接統蒙亳諸軍攻澮北賊圩破之復派軍助守蒙城別克高爐集斬擒首高加苗逆攻撲小澗集渦河南北營潰復會軍疊破賊圩斬逆黨慕玉宗奉有英翰在皖素稱得力令認真防剿之

諭旋隨僧忠親王分路進攻苗逆伏誅升授安徽按察使率軍扼雒河奉檄越境解湖北麻城之圍追賊六安霍邱聞克金家寨緣前事被議奉

硃筆改為降五級畱任旋升布政使派軍敗賊於土門河楊柳灣漫水河黑石渡收降黃中庸等三千餘眾僞天將馬永和兵事作馬融和眾數萬乞撫為請於僧忠親王許之於時潛太英霍肅清

賞給鏗僧額巴圖魯勇號四年賊陷高爐集團攻雒河英翰時在圍中

夜率二十八騎突出至蒙城率援軍由果家圩李家樓進克高爐集會軍破賴汝光牛烙紅等於渦南破張總愚任柱等於渦北雒河圍解自是破賊於王家橋於黑虎廟於近仙店於大蔣莊於烏龍集五年賴逆等竄潁州會軍由大橋集進剿追奔至薛店逆復走宿州竄懷遠渡渦掠下蔡又迎擊於陶王集棗木橋均大破走之升安徽巡撫布置各處河防六年派兵四千人援陝西簡精銳萬人赴山東會剿丁父憂疏請守制奉

諭墨經從戎改為署理巡撫督軍馳赴運防敗賊於宿遷匪首劉淮張淙張瀨山蔡志誠謝得洗王瀨等先後投誠復於盱眙擒獲偽衛王李允正法皖境肅清疏請回旗終制時張總愚竄擾畿南奉



旨將此股賊眾蕩平再行扶柩回旗遂親督將士會湘淮各軍困賊於黃運閒事平

賞太子少保銜輕車都尉世職八年穿孝假滿回巡撫署任是秋安徽水災籌款賑濟並借給各屬修圩經費九年服滿奉

旨實授自此至十三年先後拏獲蕪湖匪犯蕭國典合肥劉孝窩子蒙城邵錐子舒城周炳和霍邱李昭仁張振科等共十餘名又於

亳州擒獲捻逆宋景詩於廣德建平當塗擒獲孝豐竄匪彭節應李鳳岐呂和根趙錦源關雙淦金尙芝等數十名及首逆關

汝淮均各正法而稽誅之捻首汪敦友粵逆偽輔王楊輔清則派員於河南福建擒獲之其剿除餘孽不分畛域如此光緒初

升任兩廣總督因事落職旋授烏魯木齊都統卒官贈太子太保銜賞還勇號花翎照都統軍營病故例從優議卹

賞銀二千兩人參六兩以慰其母又奉

諭加恩予諡并於皖省建立專祠英翰性至孝公餘養志如孺子其帶兵則罰必當罪賞恆浮於其勞故人皆願效死力事平以來

培植士類歲費千餘金為敬敷書院優獎擇其英俊者親教育之至豁達大度推誠待物尤有古大臣風焉

邱渦陽蒙城英山各縣志纂

采方略奏疏邸報及太湖阜陽霍



重修安徽通志卷一百四十

職官志

名宦

四附傳 凡在安徽用兵殉節而非本省之官與雖本省之官而非有職任者皆入焉

鄒漢勳字叔績湖南新化舉人帶勇援江西以同知候選咸豐三年從江忠源剿賊堅守廬州府城三十七日援絕城陷漢勳在城樓飲酒斗許手刃十數賊死之嚴正基憫忠草先是漢勳守西平門賊夜梯城上我兵擊殪其魁上首級漢勳為最又都司馬良勳自六安至參將戴文蘭經歷艾延暉自湖北來援並濟餉入城與六品銜石安邦外委林世弼把總尹孝忠知縣張文斌均先後戰死壽春鎮將玉山自店埠來援戰拱辰門師潰陣亡廬州戰守布政使劉裕鈺池州知府陳源充同知胡子雝副將松安縣丞興福皆死之先正事略合肥志玉山裕鈺源充自有傳



向榮字欣然四川人由行伍擢至固原提督道光三十年調廣西提督九月至桂林剿賊於慶遠思恩南甯等府咸豐元年七月由紫金山進兵會克雙髻山八月破賊風門坳因雨致挫革職留營十一月

賞三品頂戴督攻永安北路開復原官二年二月復永安三月守桂林卻撲城之賊八月追賊至長沙十二月追賊武昌連破賊壘距城不三里而城陷三年正月復武昌

授欽差大臣追賊九江無舟不得濟二月二十一日追賊金陵營孝陵衛二十五二十七二十九偪城而營三月初六至十七破雨花臺敗賊通濟門十一月派兵圍鎮江四年七月派兵復太平府十月破賊浦口五年三月派鄧紹良會浙軍復婺源等城派兵掃三山賊壘六月派張國樑再復太平府七月復蕪湖十一月

擊敗江甯出竄之賊十二月派兵擊走安慶蕪湖東下之賊六年三月克浦口江浦派兵剿甯國府五月派兵敗賊鎮江又敗賊溧水大營旋陷退保丹陽七月卒於軍奉

旨優卹諡忠武入祀江蘇名宦祠

方略  
兵事紀略

張國樑字殿臣本名嘉祥廣東高要人少任俠爲羣盜所推有眾萬人道光二十九年廣西巡撫勞崇光招撫之檄剿土匪顏品瑤潘七大李樹青等乃改今名旋破洪逆於新甯咸豐二年三月破賊道州追賊長沙武昌破洪山寺壘浔授守備都司加霍羅琦巴圖魯尋從提督向榮剿賊江甯時賊竄太平府國樑以五百人往剿克之往返僅七日六年五月九華師潰向榮請以國樑統南北諸軍

命以漳州鎮總兵幫辦軍務迭克儀徵及九洑州各城監升湖南提督



調江南提督十年閏三月二十九日戰丹陽重傷赴水死之八月十七日

賜卹贈太子太保祀昭忠祠諡忠愍

蔣敦復撰行略 瀛寰瑣記

江忠信湖南新甯人從族兄忠源剿賊湖南北果敢善戰勇冠一軍積功洊擢千總咸豐三年自湖北援忠源於廬州與同知劉長佑鎮將音德布會師敗賊於西平門外又與戴文蘭艾延暉以楚勇百五十人人懷巨鏹二夜叩城入賴以接濟嗣從征皖鄂以功擢至副將六年從總兵鄭魁士攻桐城攻三河賊壘垂破中礮死之

廬州戰守記 廬州忠草

余樅江西新建人隨巡撫江忠源征剿立功以府經歷縣丞選用咸豐三年十二月十六日廬州府陷陣亡

胡文忠集

伍成功臨桂人安徽知府嘗充巡撫行營統帶官咸豐三年廬

州陷督戰陣亡奉

旨卹廕如制

冊 採訪

嚴國佐字雪樵浙江建德人從九品充徽防委員咸豐四年委赴池州之建德幫同知縣王開貽辦團練督勇紫赤頭關九月粵賊羅大綱犯境戰敗勇潰國佐死之

建德縣志

呢阿布西安協領咸豐七年在巢縣東關帶兵擊賊血戰陣亡照副都統例

賜卹予諡祀昭忠祠世襲騎都尉

福濟奏案 部文

曾國華字溫甫湖南湘鄉人監生候選同知年少跡弛父教之嚴遂折節

憫忠

咸豐六年湖北巡撫胡林翼奏令統領劉騰鴻吳坤修等軍援救江西攻克咸甯蒲圻崇陽通城新昌上高六縣軍抵瑞州江西湖南聲息始通旋丁本生父憂偕同母兄國



藩自軍中還湘八年二月降服期滿出抵李續賓軍相與講求  
戎政克麻城黃安入皖連下太湖潛山桐城舒城師銳甚國華  
獨憂之以謂常勝之家難深恃時時與續賓深語悚切以警其  
下竟以十月十日從續賓殉難於廬江之三河鎮求闕齋文鈔

卹贈太僕寺卿銜世襲騎都尉

特諡忠愍金陵克復加  
恩賞加一雲騎尉報同時死事者副將劉神山參將彭友勝游擊胡廷

槐杜廷光鄒玉堂道員孫守信丁銳義知府何忠駿知州王揆  
一同知董容方知縣楊德閻從九品李續藝張溥萬文武官弁  
數百人兵事紀略

夏堯輝字丹鶴江西德化人安徽縣丞咸豐九年從巡撫翁同  
書駐定遠委辦行營事務擒匪撲城幫同守禦手燃大礮擊賊

無數城陷死之奉

旨從優議卹又甸湖營都司恩慶候補通判周錫璜王錫齡候補知縣  
德俊慶春薩劍南王九皋試用府經周玉鼎縣丞周詩梁增泰  
邵秉章喬用康王培榮吏目毛樹勛從九品周以仁王仕任李  
命日林毓祥張振年外委李光斗王成王衡恬均死之照陣亡  
例

予卹定遠縣志翁同書奏案

郭沛霖湖北蘄水人江南淮徐道被議褫職咸豐九年巡撫翁  
同書調沛霖赴定遠軍營同書以擅調降級畱任六月捻逆龔  
得撲定遠沛霖擊敗之給五品頂戴賊復糾髮逆來攻城陷沛  
霖與直隸州州判舒世琛均死之奉

旨開復原官照道員例議卹世襲雲騎尉世琛

重修安徽通志 卷一百四十一 職官志 名宦附傳



贈知縣世襲雲騎尉又廣西知縣朱為霖正黃旗漢軍武舉慶增山西

從九董官正四川守備王錫培山東曹鎮營外委田豐登軍功

李子厚陳蕃韓明均照例議卹翁同書奏案定遠縣志

德安湖北提督咸豐九年勝保翁同書帶兵在天長縣城之東

關外駐劄扼守猝遇大股粵逆由六合繞道直薄城關德安力

戰陣亡奉

諭旨照提督陣亡例議卹世襲騎都尉兼一雲騎尉翁同書奏案部文

馬光宗四川維州左營把總升用參將咸豐九年張芾派令剿

賊援石埭七都力戰陣亡

賜祭葬照副將例予卹祀昭忠祠世襲雲騎尉文部

梁鵬字渙亨廣東三水人江蘇縣丞軍功洵保知縣咸豐五年

調援皖南破賊於建平鍾橋從鄧紹良練廣德軍守宣城破賊

於黃金塔於三里店斬馘甚多別從周天受剿南陵十三戰皆

有功調援浙坐法褫職鄭魁士理其功復知縣剿賊石埭七都

以功擬保直隸州知州九年六月浮梁賊竄撲營壘鵬出擊連

勝會援軍參將馬光宗副將吳偉奇兩營并沒賊抄截後路圍

鵬營三晝夜援絕營潰陣亡

贈道銜世襲雲騎尉梁泰亨呈冊梁元墓志

潘羅成湖南澁浦人一足微蹇有勇敢戰軍退常殿後賊有追

躡者回戈奮擊輒轉敗為勝積功至參將得伊勒爾克巴圖魯

名號咸豐九年從李孟羣拒賊於廬江之長城力戰陣亡於同

治元年奉

旨予卹附祀廬州府李孟羣專祠惲忠草奏案同時陣亡者衛守備馬錫祿

山東德州人守備朱清珍河南許州人千總梁志品四川安縣人康玉麟四川華陽



州同張湘甲湖南衡州府人經歷周壽嵩湖南衡州府人縣丞沈麟圖河南固始人

從九品喬傳芬湖北孝感人敬克猷四川成都人周德治四川忠州人監生趙

廷煥江蘇人文生張之瑾從九品衛周日襄並河南固始人千總倪人傑

四川成都人張首魁四川大竹人張玖乾湖南保靖人孫全勝河南人把總謝世

望四川成都人黃占魁四川大竹人外委原得勝廣西桂平人劉啟光廣東番禺人

向宏亮包宏興並湖南永順府古丈坪人軍功魏鵬九湖北沔陽州人均奉

旨予卹附祀李孟羣專祠袁甲三奏案

和春字雨亭赫舍里氏滿洲正黃旗人由前鋒藍翎長洊授永

綬協副將咸豐初剿賊廣西湖南湖北江南三年擢江南提督

命分帶官兵赴廬州會剿四年營三星岡百道環攻廬州府城至五年

十月克之進攻巢縣拔賊三卡六年進剿三河復舒城擊敗懷

遠捻匪分兵剿宿州克湖墅擊退無為援賊平于家集陣斬捻

首王瀛林克三河殲擒八千餘名進攻廬江克之是年

命為欽差大臣馳赴丹陽督辦江南軍務至十年四月在常州督兵剿

賊中槍傷卒於軍照將軍例

賜卹諡忠武世襲騎都尉兼一雲騎尉併為二等男爵附祀江甯將軍

祥厚等昭忠祠史館鈔傳

富亮吉林佐領咸豐十年攻剿定遠踞賊連獲大勝中礮陣亡

又協領台興阿阿青阿防禦明保副將于昌麟馬昇平游擊劉

大用陸廣山陳開玉都司丁大起劉紹軒守備許永勝千總郭

元齡外委劉兆蘭把總于延年俱在定遠剿賊先後陣亡奉

旨分別議卹給世職各如例袁甲三奏案壽州志云馬昇平濟南武

周天受字百祿四川新都人由把總於咸豐元年從向榮征廣



西轉戰湖南湖北江南游擢都司四年從鄧紹良剿賊太平甯國帶兵赴徽州會合江長貴援剿賊於青石嶺追至青陽城下移營琉璃嶺賊來撲營大敗之尋調防石埭敗賊於崇覺寺五年在琉璃嶺巖鎮等處打仗功列頭等肅清徽州克復婺源休甯石埭等城扼紮崇覺寺六年剿賊祁門追至涇縣南陵轉戰數月皆有功江西賊竄徽州休甯黟縣天受由南陵馳援解徽州之圍復休甯黟縣時涇縣復陷天受星夜回剿克復涇城因先登受頭等傷七年正月調回徽防二月賊復犯祁門婺源石埭太平均剿敗之一律肅清仍駐防石埭敗賊於崇覺寺七都一帶進攻陵陽鎮獲勝復竄黟縣祁門天受會同江長貴援剿均收復八年正月進攻南陵擒斬頗多時天受已累擢至福建漳州鎮總兵加提督銜

命幫辦浙江軍務總統諸軍轉戰浙閩尋因婺源失陷天受統師回剿力拔堅城擢湖南提督九年攻祁門克之援甯國擊退涇縣踞賊解南陵圍再復婺源

命督辦甯國軍務十年三月江南大營失利賊匪分竄徽池天受援歙縣戰叢山關等處斃賊頗多賊竄撲甯國府城天受鏖戰數月糧梗援絕八月十二日城陷力戰陣亡

諭照提督例賜卹於甯國府城建立專祠其胞弟周天培上年江北殉節周天孚本年金壇殉節亦係堅守孤城力竭不屈一門忠烈大節凜然著於四川省城及本縣建立周天受兄弟三人祠宇

尋

賜卹如例

史館

贈太子少保銜世襲騎都尉兼一雲騎尉

職官志

名宦附傳

七



左紹登直隸河間縣人軍功洵保藍翎同知分發安徽候補咸豐十年從周天受守甯國府城城陷巷戰陣亡妻孫氏自經死於同治七年吳坤修奏

卹如例

奏案鈔存  
呈冊

沈堃安徽按察司照磨以軍功保州同咸豐初帶勇從福濟袁甲三金光劬賊調辦甯國軍裝局十年府城陷同皖南道福咸死之

旌卹廕子如例

呈冊

蕭翰慶湖南湘鄉人器宇宏深勇敢有為咸豐三年從彭玉麟水師由湖南轉戰湖北四年克復岳州武昌均身受重傷調赴江西回援湖南所向克捷積功至道員運使銜十年派帶訓章等軍六千援浙經督辦皖南軍務張芾留於徽州防剿由黟縣

出嶺連復石埭太平縣城旋援浙江湖州府城力戰陣亡事聞照三品例

恩准優卹世襲騎都尉同治元年二月

賜祭一壇徽人以翰慶行軍秋毫無犯每思悼之

官文等奏案  
憫忠草

伊興額蒙古正白旗人和勒特氏字松坪從征喀什噶爾授驍騎校咸豐三年以三等侍衛交琦善江北軍營差委克復揚州轉頭等侍衛六年帶兵解宿州城圍追擒匪張落刑等敗之於南坪獲擒酋夏白加額圖渾巴圖魯留防徐宿駐瓦店山口擊敗擒匪李月等斬擒酋王廣愛渡澮戰岳家集斬李月降陳殿元授蒙古正紅旗副都統八年挫於濰溪口奪職尋

命幫辦徐宿軍務以剿擒商水功復原官十年以專擅奪官尋賞三品銜克僧格林沁翼長帶兵先赴徐州十一年僧王剿擒於濟甯



重刊安徽通志卷一百四十一  
之陽山軍不利檄赴援遂與總兵滕家勝由礪山進兵遇賊於汶上之沙河站連戰皆捷窮追中伏與滕家勝暨部將永昇永林石琳陳葆元俱力戰陣亡得

旨開復原官照都統例議卹諡壯愍給世職又奉

諭旨伊興額滕家勝均在徐州汶上建立專祠伊興額並於宿州永城

滕家勝並於泗州靈璧建立專祠隨同陣亡員弁一併附祀

鈔存伊壯愍剿匪紀略

張芾字小浦陝西涇陽進士由編修洊擢刑部左侍郎咸豐二年授江西巡撫三年髮逆竄九江入湖口圍南昌嬰城固守九十餘日圍解四年緣事革職旋發往安徽軍營交和春福濟差委五年

賞六品頂戴芾自上年籌辦徽防聯絡紳民勸捐軍餉約五十萬本年

親督兵勇堵截婺源祁門竄賊有功

賞換五品頂戴安徽團練由芾調度時賊由江西竄休甯芾督兵勇及

休歙鄉團將休甯收復丁母憂

命畱營俟服闋以三品京堂候補七年賊犯徽境清華街芾派兵截擊

賊潰竄

諭徽郡一帶防剿事宜卽著張芾妥爲籌辦在防將士並由張芾委員

統領尋以婺源祁門賊已擊退奏懇回籍

命仍畱徽督辦八年賊復竄踞婺源九年賊目張宗相乞降芾派總兵

江長貴乘機進攻復縣城並毀高沙賊壘三月補通政使十月

授左副都御史十一月派兵攻太平郭村石埭夏村鄉團助戰

均克之

諭皖南四府一州軍務均著張芾督辦其甯國一軍自周天受以下均



歸節制十年二月涇縣旌德復陷三月賊由績溪攻徽郡芾督同江長貴擊走之進復績溪

命暫行革職仍督辦皖南軍務閏三月派兵連復太平旌德石埭涇縣俄而建平涇縣廣德皆失陷下部議處浙境踞匪復竄徽州南山之蕩阮擊卻之七月

命來京奏准開缺回籍補行守制十一年陝西回匪滋事命督辦陝西團練事宜會同巡撫瑛榮辦理防堵同治元年芾赴渭南倉頭鎮曉諭回眾被戕經瑛榮奏入

諭照侍郎例優卹於陝西省城建立專祠三年  
諭於倉頭鎮再建專祠家屬五十二名口分別旌卹並附祀陝西省專祠四年准入江西名宦祠於徽州府城建立專祠提督周天受知縣李應詔一併附祀

予諡文毅世襲騎都尉兼雲騎尉史館鈔傳

江忠義湖南新甯人隨其從兄忠源轉戰湖北江西安徽等省以道員擢署貴州巡撫歷署貴州廣西提督援黔援粵皆有功同治二年夏帶兵赴援江西敗賊於湖口青陽江境肅清皖南漸次底定以積勞傷疾舉發至新建縣之吳城道卒

諭照總督例賜卹予諡戰績宣付史館并於安徽青陽江西省城及本

籍建立專祠部文 冊册 青陽縣案

郭明鼐湖南人忠勇性成英毅罕匹咸豐六年投効水師營七年掃蕩斬黃粵匪八年克復九江進攻安慶大通樅陽十年破南陵賊圍十一年克安慶復池州同治元年攻運漕無為東西梁山金柱關蕪湖縣戰功最著洵保花翎總兵銜副將勝勇巴圖魯是年九月初六日金柱關殺賊中礮捐軀



贈提督銜照提督陣亡例議卹又游擊銜都司洪得勝千總王明元同

時戰歿

曾國藩彭玉麟楊岳斌等奏案

多隆阿字禮堂呼爾拉特氏滿洲正白旗人黑龍江駐防由前鋒補驍騎校從征河南洊升協領帶兵湖北剿賊疊著戰功咸豐八年同都興阿克復安徽太湖縣城破石簪踞匪進剿安慶毀北門外各逆壘會合鮑超敗賊於花涼亭九年授福州副都統再破賊石簪毀其木城擊退潛山安慶援賊遂克石簪十年同鮑超平地靈港兩岸賊壘十一年駐高路鋪擊走桐城廬江逆首林紹璋等

命幫辦官文胡林翼軍務擊敗挂車河天林莊及集賢關踞賊毀江家橋等處賊壘派兵堵剿馬鞍山分攻蔣家山高河鋪之賊均敗之八年克復省城

賞給雲騎尉世職九月攻克桐城補授正紅旗蒙古都統尋授荊州將

軍仍辦理江北安徽軍務同治元年四月攻克廬州府城誘擒

逆酋陳玉成伏誅

賞給騎都尉世職五月

命督辦陝西軍務克紫荆關毫穎捻逆西趨多隆阿率師擊敗之殲戮

殆盡

授為欽差大臣督辦陝西軍務二年調西安將軍削平同朝一帶回巢

分兵解鳳翔圍三年攻拔盩厔縣城身受槍傷卒於軍奉

諭旨晉贈太子太保照將軍陣亡例優卹賞給一等輕車都尉世職入

祀京師昭忠祠立功省分建立專祠尋

子諡忠勇七月

上以江甯克復追念死事諸臣復



賞加一雲騎尉世職併爲一等男爵子雙全襲

史館鈔傳

僧格林沁博爾濟吉特氏科爾沁旗人道光五年嗣科爾沁札薩克多羅郡王咸豐四年以連鎮功

封博多勒噶台親王破賊馮官屯高唐州肅清北路八年授爲欽差大臣督辦軍務嗣是防堵天津轉戰直隸山東河南功勳卓

越紀律嚴明兵民愛戴同治元年

命統轄山東河南全省軍務並調度直隸山西及蒙亳徐宿防兵八月破賊魚臺進克亳州各捻圩將各股擒首擒獲收撫亳州以北肅清二年二月連克雒河集尹家溝賊巢擒斬擒首韓四萬蘇添才等匪黨大懼楊瑞瑛李勤邦等懇請投誠赴署宿州知州英翰軍前歸正責令誘擒巨捻張落刑及其子張濬比夜英翰帶隊馳往擒獲解營餘匪悉平十月擒首苗沛霖攻蒙城勢張

甚僧格林沁親督馬步進剿克蔣曠集破楊家砦蔡家圩分道進攻連平賊壘苗逆夜竄爲總兵王萬清所殺苗景開等均伏誅遂解蒙圍尋破西陽集斬葛春元餘砦投誠遣總兵恆齡等分徇潁亳壽州清圩緝匪收復城關淮南漸就肅清三年

命督師皖豫楚三省之交自是轉戰湖北河南四年四月髮捻合竄山東汶上之袁家口犯鄆城西北水套僧格林沁督師進剿乘勝逐北中伏捐軀

上覽奏爲之隕涕優卹建立專祠并入祀昭忠祠配饗

太廟諡曰忠七年七月擒匪平

賜祭一壇先是

命繪像紫光閣

贊曰雄藩懿戚夙懋忠勇轉戰疆場奇勳克鞏傷哉馬革遽隕將星秘







